

四庫全書

史部

欽定四庫全書

史部

欽定平定臺灣紀畧卷首
二

內閣中書臣沈鵬覆勘

武英殿纂修中書臣彭元琬

欽定四庫全書

欽定平定臺灣紀畧

提要

臣等謹案

欽定平定臺灣紀畧七十卷乾隆五十三年奉

勅撰臺灣孤懸海外自古不入版圖然寔閩粵兩

省屏障明代為紅毛所據故外無防禦倭患

蔓延後鄭芝龍據之亦負嵎猖獗誠重地也

聖祖仁皇帝七德昭宣削平鯨窟

命靖海侯施琅等俘鄭克塽而郡縣其地設官置戍
屹為海上金城徒以山箐叢深百產豐溢廣
東及漳州泉州之民爭趨其地雖繁富日增
而姦宄亦因以竄迹故自朱一桂以後針蠲
斧螳偶或竊發然旋亦撲滅惟林爽文莊大
田等逆惡鷗張凶徒蟻附致稽蒙街之誅仰
賴

神謨指揮駕馭乃渠首就檻矣海永清蓋始由官吏之貪黷司封疆者未察繼由將帥之觀望議攻守者多岐致賊得招聚逋逃葺營巢穴而其所以蕩平者則仰藉

皇上坐照幾先於鮫室鯨波視如指掌事事皆預為策及早設周防又

脣鑒精詳物無匿狀申明賞罰百度肅清弛者改而奮怯者改而勇並凜凜

天威近猶咫尺而重臣宿將乃得以致力其間生
傳猷猱以申

國憲

威棱所懾併內臺生番亘古未通中國者亦先驅
效命助翦元凶稽首

闕廷虔修職貢中外臣民跽讀

御製紀事語二篇咸以手加額謂軒轅之戮蚩尤
猶親在行間武丁之克鬼方非路經海外今

皇上運籌九天之上而

坐照萬里之外亘古聖帝明王更無倫比至江漢
常武諸什僅在近地者更無足道矣奏凱之
後廷臣敬錄

諭旨

批荅奏章分析月日編排始末勒成是編以垂示
萬古臣等回環踰讀仰見

聖神文武經緯萬端雖地止一隅而險阻重深委

曲

籌畫寔與伊部回部金川三大事

功烈相等載筆之下彌覺歌頌之難罄也乾隆五

十四年四月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

欽定平定臺灣紀略卷首一

御製天

勦滅臺灣逆賊生擒林爽文紀事語

乎伊犁定回部收金川是三事皆關大政各有專文勒
大學誅王倫翦蘇四十二洗由五是三事雖屬武功然
以內地懷懋弗鄰其說至於今之勦滅臺灣逆賊生擒
林爽文則有不得不詳紀顛末以示後人者向之三子

惟深感

天恩蒙厚貺次之三予實資衆臣之力得有所成若茲臺灣逆賊之煽亂乃卒然而起兵出於不得已而又不料其成功若是之易也蓋自康熙二十二年平定臺灣之後歷雍正迄今乾隆戊申百餘年之間率鮮卅歲寧靜無事而其甚者惟朱一貴及茲林爽文朱一貴已據府城僭年號林爽文雖未據府城然亦僭年號矣朱一貴雖據府城藍廷珍率兵七日復之不一年遂平定全郡

林奕文雖未據府城亦將一年始獲首渠平定全郡則以領兵之人有賢否之殊故曰事在人為不可不慎也林奕文始事之際一總兵率千餘兵滅之而有餘及其蔓延猖獗全郡騷動不得不發勁兵命重臣則予遲速論所云未能速而失於遲予之過也然而果遲乎則何以成功蓋遲在任事之外臣而速在籌策之予心故始雖遲而終能成以速非誇言也蓋紀其實而已若黃仕簡任承恩初遲矣而予於去年正月即命李侍堯速往

代常青為總督辦軍儲常青往代黃仕簡藍元枚往代
任承恩司勦賊之事而郡城與仕簡弗致失於賊手是
幸也是未遲也

黃仕簡任承恩既至臺灣南北互相觀望兩月餘遂至與賊以暇日以滋蔓幸

予於正月初旬值李侍堯入覲即命往代常青為總督而命常青代黃仕簡又隨令藍元枚代任承恩是以郵壯猷于三月初八日自鳳山棄城敗歸立即置之于法常青適于初九日到郡整頓兵威屢挫賊鋒郡城得以無失使常青不即到則郡城必失守仕簡或被賊獲皆未可知是始雖遲而實未為遲也既而常青祇能守郡城藍元枚忽以病亡是又遲矣而

天啟予衷於六月即自甘省召福康安來熱河授之方畧

八月初卽命福康安海蘭察率百巴圖魯及各省精兵近

萬往救諸羅是又未遲也

常青雖固守郡城未能親統大兵往救諸羅藍元枚正等

會勦旋以病亡又幸于千六月內早令福康安來親熱河卽命于八月初二日同海蘭察率巴圖魯侍衛章京百餘人馳赴閩省並預調川湖黔粵精兵近萬人分路赴閩維時諸羅被圍日久糧餉火藥道梗不能運送若非天啟予衷及早命重臣統勁旅前往幾至緩不濟事是常青等救諸羅雖遲而予所辦亦未為遲也福

康安等至大擔門開舟阻風風畧定而啟行又風遮至

崇武澳不能進是又遲矣然而候風之際後調之兵畢

至風平浪靜一日千里齊至鹿仔港是仍未遲也

福康安到

廈門於十月十一日自大擔門開船被風打回十四日得風駛行半日又以風轉遮至崇武澳停泊似覺滯遲然當此候風之際四川屯練二千廣西兵三千俱至而風亦適利遂于二十八日申時放洋至二十九日申時兵船齊抵鹿仔港千里洋面一帆直達其餘之兵亦陸續配渡福康安率此生力之兵旬日內殲解諸羅之圍繼克賊巢生擒逆首是未渡夫遲之在人而以前若遲而計其成功又未可謂遲也

天地神明護佑每以遲而成速視若危而獲安有如昔年開惑論所云者予何脩而得此於

天地神明之錫祉哉如是而不益深敬畏勤政愛民明慎用兵則予為無良心者矣予何敢抑又何忍乎夫用兵

豈易言哉必也凜天命屏已私見先幾懷永圖方寸之間日日如在三軍前而又戒掣肘念衆勞且予老矣老而精神尚健不肯圖逸以遺難於子孫臣庶藉以屢成大勲此非

天地神明之佑乎亦豈非弗失良心得蒙

天鑒乎福康安等解圍殲賊以及生擒賊渠諸功績已見聯句之詩之序茲不贅言獨申予之不得不用武又深懼用武之意如是以戒後世占驗家以正月朔旦值剝

蝕為兵戈之象遠者固莫考自漢至明屢逢其事然亦

有驗有弗驗

元旦日食自漢迄明有四十七其本條政治廢弛及僭竊偽朝無論已如唐之太宗

宣宗元旦日食其年俱寧靜無事至宋仁宗四十餘年之中元旦日食者四最後嘉祐四年亦無事此其弗驗者也惟寶元元年元昊反康定元年元昊寇延州皇祐元年廣源州蠻儂智高寇邕州又元代世祖至元二十年元旦日食是年廣西上思州土官黃聖許結交趾為援寇陷忠州江州及華陽諸縣此其有驗者也

若

昨丙午可謂有驗矣以予論之千歲日至可坐而致剥

蝕亦可筭而定也既定矣其適逢與不逢原在依稀懞

恍之間且亦乏計預使之必無也若使之無是為詐也

不惟不能避災或且召災故史載宋仁宗朝第二次康
定元年春正月朔當日食司天楊惟德請移閏於庚辰
歲則日食在正月之晦帝曰閏所以正天時而授民事
其可曲避乎不許夫日食必當在朔可知古稱月晦日
食者見移閏曲避之說耳至於不得已而用兵惟在見幾
而作先事以圖遲不失於應機速不失於不達惟敬與
明秉公無私信賞必罰用兵之道其庶幾乎夫行此數
端甚不易矣知不易而慎用兵又其本乎凡軍旅事必

當有方畧之書書成即以此語冠首篇亦不更為之序
矣

福康安奏報生擒莊大田紀事語

昨生擒林爽文則勦滅逆賊事可稱歲大端茲生擒莊
大田則肅清臺灣事方稱臻盡善二逆狼狽為奸得一
而不得二餘孽尚存慮其萌芽且彼既聞首禍被獲則
所以謀自全而倖逃生入山固易追赴海則難捕矣是
以先事周防屢申飭諭

莊大田在南路距海甚近不慮其入山而慮其入海則追捕甚

難因屢次降旨令馮康安等慎防其入海之路思慮所及隨時預飭茲福康安盡心畫策

凡港口可以入海者無不移舟設卡因聞莊大田帶同匪衆俱在柴城初二日欲往蚊率社經番衆極力抵禦復行退回初五日黎明官軍由風港發兵越箐穿林遂有賊匪突出拒敵我兵迎擊海蘭察率領巴圖魯侍衛奮勇齊攻殺賊三百餘生擒一百餘追至柴城賊愈衆多然恐攻撲過急莊大田或臨陣被殺或乘間竄逸轉不能悉數成擒福康安分兵數隊以徐合攻自山梁佈

陣抵海岸適烏什哈達所率水師得順風連檣齊至沿海進圍水陸合勦自辰直至午刻殺賊二千餘羣賊奔潰投水屍浮海如雁鷺而獨莊大田伏匿山溝以致生擒是豈人力哉

天也二逆以么膺小民敢興大亂殺害生靈無慮數萬使獲一而逃一未為全美斯皆生致闕下正國法而快人心反側潛消循良樂業福康安海蘭察等畫謀奮勇不負任使固不待言然非

天祐我師俾獲萬全豈易致此耶更查康熙六十年四月
朱一貴於臺灣起事提督施世驃總兵藍廷珍於五月
由澎湖進兵至六月收復臺灣府城計閱七日於閏六
月始擒獲朱一貴計閱一月餘至雍正元年四月而餘
黨悉勦盡自朱一貴起事至臺灣全郡平定始末閱兩
年茲林奕文於五十一年十一月起事其黃仕簡等前
後悞事經一年福康安等於上年十一月由鹿仔港始
進兵其間解諸羅縣之圍克斗六門攻破大里杙賊巢

至本年正月獲林英文計閱四十二日繼獲莊大田計
閱三十二日自林英文起事至臺灣全郡平定始末共
閱一年三月是較之藍廷珍等成功更為迅速矣夫逆
賊入內山生番非我臣僕性情不同語言不通其遵我
軍令與否未可知也福康安示之以兵威使知畏給之
以賞項使知懷其經畫周密賢于施世驃藍廷珍遠甚
又得海蘭察率百巴圖魯攻堅陷銳遂得前後生獲二
囚且李侍堯悉心董理軍儲毋悞行陣使不以李侍堯

易常青之總督則軍儲必悞不以福康安易常青之將軍則成功必遲茲盡美盡善以成功於三月之間則上天之所以啟佑藐躬俾以望八之年而獲三捷之速則予所以深感

昊慈豈言語之所能形容也哉自斯以後所願洗兵韜甲與民休息保泰持盈日慎一日以待歸政之年庶不遠矣雖然仔肩未卸必不敢以娛老自怠所為猶日孜孜仍初志耳

御製四知書屋記

楊震四知千古以為名言而予以為書屋之名者非襲其跡也彼其却王密之賄廉則廉矣然而小哉為人君者亦無其事予之所謂四知者蓋引孔子繫辭知微知彰知柔知剛之義內以正心外以勅政而更慎於用兵之際朱子疏此以為釋豫六二爻義且文王繫卦則曰利建侯行師周公繫六二之爻則曰介于石不終日貞吉是三聖人之意胥示以明慎用兵見幾而作不俟終

日之義可不審乎予昔著遲速之論雖約畧言之而未
聞三聖人之訓行師貴知幾親切著明若是也蓋微柔
陰也彰剛陽也陽動而陰靜動無不由靜彰無不由微然
而柔能制剛微能揜彰靜能勝動此又聖人扶陽抑柔之
本義正心勅政以及用兵者不可不深知所謂見幾而
作不俟終日者宜何如其凜凜哉因思避暑山莊正殿
後室

皇祖題之為依清曠于楸間者實理事名見羣臣之所去

歲籌畫臺灣諸務日或三四覲軍機大臣於此茲幸賴
天祐彰國威定海蒞實因先事知幾得以有成不可不識
其事且御筆祇題屋內楹間其餘檐實無額名因即以
四知書屋之名額之檐間更思依清曠似寄山水之意
無涉熙政詰戎之為而予則亦有說焉夫水澄然而清
故明山廓然而曠故公公與明非熙政詰戎之本乎由
知幾而推為四知又豈外清與明曠與公乎是則

奎文三字非示萬世以熙政詰戎之大法乎則予題四知

於書屋之檐不亦宜乎

御製平定臺灣告成熟河

文廟碑文

昨記平定臺灣生擒二尤之事亦既舉平伊犁定回部
收金川為三大事專文勒太學其次三為誅王倫翦蘇
四十三洗田五以在內地懷慙弗薌其事而平定臺灣
介其間固弗稱勒太學然較之內地之次三則以孤懸
海外事經一年命重臣發勁兵三月之間擒二尤定全

郡斯事體大訖不可以不紀因思熱河文廟雖承德府學耶而余每至山莊必先展拜廟貌秋仲丁祭常遣大學士行禮則亦天子之庠序矣且予去歲籌臺灣之事日於斯

天祐予衷命福康安海蘭察率百巴圖魯以行及簡精兵近萬亦發于斯而諸臣涉重洋冒艱險屢戰屢勝不數月而生擒二兇且無一人受傷者是非

上蒼默佑

海神助順曷克臻斯則予感謝之誠兢業之凜亦實有不能已於言者籌于斯發于斯臻于斯

文廟咫尺我

先師所以鑒而呵護者亦必在于斯記所謂受成告成正合于是地也則平定臺灣告成熟河

文廟所為禮以義起非創實因且予更有深幸於衷而滋懼於懷者予以古稀望八之歲五十三年之間舉武功者凡六七胥善成其一惟征緬之事以其地卑濕瘴

金史口居
即製文
癘我軍染病者多因其謝罪求罷兵遂以振旅是其事
究未成也近據雲南總督富綱奏報緬甸謝罪稱臣奉
貢之事命送其使至熱河將以賜宴施惠是則此事又
以善成於斯矣夫奉

天治民百王誰不為天子而予以涼薄仰賴

祖宗德施受

天地恩眷獨厚近八旬之天子歲八事之武功於古誠希
示後有迷使一事尚留闕欠予之懷慚終不釋也自今

以後益惟虔鞏持盈與民休息敢更懷佳兵之念哉夫
天地天子之父母也子於父母之恩不可言報中心感激
弗知所云而已繫之辭曰

瀛壖外郡閩嶠南區厥名臺灣古不入圖神禹所畧章
亥所無本非扼要棄之海隅朱明之世始聞中國紅毛初
據鄭氏旋得恃其險遠難窮兵力每為閩患訖無寧息
皇祖一怒遂荒南東郡之縣之聞我提封一年三熟庶著
收豐漸興學校頗晉生童始之畏途今之樂土大吏忽之

恣其貪取

臺灣遠隔重洋風濤冒涉其始陞調之員原以為畏途既以該郡物產豐饒頗獲厚利調

任之員不以涉險為慮轉且視為樂土如近日福康安等恭奏文職自道員以至廳縣武職自總兵以至守備

千總巡查口岸出入船隻于定例收取辦公飯食之外婪索陋規每年竟至盈千累萬而督撫大吏輒委之耳

目難周不能詳查于是益無忌憚茲據叅奏既喜其文不可不分別嚴加懲治以儆官邪而申國憲

復怙其武匪今伊昔叛亂屢覩向辛丑年昨丙午載一

貴奕文其亂為最

地方文武既皆習于怙恃則文員祇知飽慾空豈復以撫字為心武員甚

至縱兵離營牟利自總兵以下各衙門設立四項聽差名目多者三百人少者亦三十餘人存營之兵無幾又

豈復以操練為事以致奸民既得藉口更無畏心煽誘愚民屢形叛亂其甚者如康熙辛丑年之朱一貴

及昨丙午歲之林奕文糾衆戕官據城僭號更為罪大惡極

水陸提督發兵於外奈

相觀望賊勢張大

林奕文滋事之始水師提督黃仕簡陸路提督任承恩一同帶兵渡海謂

可即時撲滅不意南北互相觀望遂致賊勢日益披猖

天啟予衷更遣重臣百巴圖魯勇皆絕倫川湖黔粵精兵

萬人水陸並進至海之濱

上年正月雖燭于幾先命李侍堯代常青為總督而以常

青為將軍專司征勦常青究未經行陣祇能保守府城不能奮加勦殺幸

天牖予衷六月內即諭令福康

安入覲熱河繼而常青亦請旨令簡重臣來閩隨於八月初命福康安為將軍海蘭察為叅贊帶巴圖魯侍衛章京等百人並預調四川屯練二千廣西兵三千湖南兵二千貴州兵二千水陸並進以待福康安至彼領勦

至海之濱崇武畧駐後兵到齊恬波徑渡一日千里以

遲為速叶百舟齊至

神佑之故

福康安等至廈門于十月十一日自大擔門開舟連次遇風阻回復在崇武漢守候逾旬

適四川屯

練與廣西之兵踵至而風亦轉利遂于二十

八日申刻放洋至二十九日申刻兵船共百餘隻齊抵

鹿仔港千里洋面一日而達其始似覺遲滯而既渡之

後所向無前轉得迅威大功信非神靈佑助何以至

是馳救諸羅羣賊蜂擁列陣以待不值賈勇如虎搏兔

案角隴種頃刻解圍義民歡動

維時賊匪久圍諸羅開大兵既至亦蜂擁迎拒

福康安海蘭察及巴圖魯等即日統兵前進勦殺無算立即解圍義民等無不歡忻踴躍出城迎師斗六

之門為賊鎖鑰大里之代更無巢落長驅掃蕩如風捲

箠夜攜眷屬內山逃託

斗六門為賊門戶最為險要官兵乘銳立拔隨即搦其大里代

巢穴林奕文膽落連夜攜其家屬逃至埔裏社埔尾一帶遂成釜底遊魂矣

生番化外然亦

人類怵之以威脅之以惠彼知畏懷賊竄無地遂以成

擒奕文首繫

先聞林奕文計窮即欲逃入內山而生番阻攔未必能喻利害或將逆首嚴匿則難

速藏預命福康安既怵以威復脅以惠生番等果即傾

心効命協同官兵社丁人等竟于正月初四日在老衢

峙地方將林奕文生擒解京俾元惡不致漏網可知狼

凡有血氣無不各知自為顧所以經理者得當否耳

須為奸留一弗可自北而南如上臨下叶海口遮羅山

塗關鎖遂縛大田畧無遺者

叶林奕文逃入內山勢已成擒莊大田在鳳山一路

窺伺府城慮其事急適海而逸乃福康安悉心籌畫預令烏什哈達帶水師兵丁絕其去路而分巴圖魯等為

六隊各自山梁挨次排下四面合圍適值順風烏什哈達水師兵丁連檣而至沿海露佈莊大田逃竄無路立

即就擒并其頭目四十餘人無一脫者又殺賊衆二千餘名又有逃入柴城瑯嶠各番社者三百餘人被生番

等立即擒獻伏誅於是賊匪一二人同心其利斷金曰時殲戮殆盡合郡頌稱平定

福康安智超謀深曰海蘭察勇敢獨任三月成功勳揚

古今既靖妖孽當安民庶善後事宜康安並付定十六

條諸弊祛故永奠海疆光我王度

此次臺灣用兵其始不能滅賊非盡由士

卒怯懦之故亦由領兵者不得其人遂致稽延時日若
福康安之智謀算無遺策海蘭察之勇敢所向披靡可
謂一時無兩而又同心共濟以此士卒用命勢如破竹
未及三月而大功告成洵能不負任使至于平定之後
不可不亟籌善後之方以為永靖之計嗣據福康安奏
定祛除積弊十六條俱能悉心籌酌切中肯綮已令大
學士九卿議行以後地方文武實凡八武成蒙佑自
力遵守海疆庶可永慶安恬矣

天雖今耄耄敢弛惕乾如曰七德實無一焉惟是敬勤勵
以永年

欽定平定臺灣紀畧卷首一

欽定四庫全書

欽定平定臺灣紀畧卷首二

御製贊

平定臺灣二十功臣像贊

有序

近著勦滅臺灣賊匪生擒林爽文紀事語以為伊犁回
部金川三大事各有端文王倫蘓四十三田五次三事
不足殫其功若茲林爽文之勦滅介於六者間雖弗稱
大事而亦不為小矣故其次三訖未紀勲圖像而茲福

康安海蘭察等渡海搜山竟成偉勲靖海疆吁亦勞矣
不可湮其功而弗識故於紫光閣紀勲圖像一如向三
大事之為然究以一區海濱數月底績故減其百者為
五十而朕親製贊五十者為二十餘命文臣擬撰一如
上次之式夫用兵豈易事哉昔漢光武有云每一發兵
頭鬚為白況予古稀望八之年鬚髯早半白而拓土開
疆過光武遠甚更有何異而為佳兵之舉誠以海疆民
命不得不發師安靖所為乃應兵非佳兵也然亦因應

兵非佳兵幸邀

天助順而成功速此予所以感謝

鴻貺不可以言語形容而又不能已於言者也昔人有言
滿洲兵至萬橫行天下無敵今朕所發巴圖魯侍衛章
京等纔百人已足以當數千人之勇綠營兵雖多怯而
無用茲精選屯練及貴州廣東湖廣兵得近萬人統而
用之遂以掃巢穴縛逆首是綠營果無用哉亦在率而
行之者為之理根倡首有以鼓勵之耳若福康安未渡

海以前臺灣綠營已共有四萬餘兵何以不能成功則以無率而行之者豈不然哉且臺灣一歲三收蔗薯更富朕若微有量田加賦之意以致民變

天必罪之不能如是成功速也後世子孫當一此意毋信浮論富國之言愛民薄斂明慎用兵庶其恒承

天眷耳近日以宮商三百逐章饜飫其義竟如幼年書室學詩之時然彼時但知讀其章句而今則究其義味因思采薇出車諸章乃上之勞下其義正斯為正雅祈父

北山諸什乃下之怨上其義變斯為變雅夫上勞下可也下怨上不可也何則下之怨上固在下者不知忠義然亦必在上者有以致之斯則大不可也我滿洲舊風以不得捐軀國事死于牖下為恥其抱忠知義較祈父北山之怨上為何如是則綠營之多恇怯思家伊古有之無足多怪矣然為上者不可不存采薇出車之意更不可不知祈父北山之苦如其一概不知而但欲開疆擴土是誠佳兵黷武之為望其有成豈非北轅而適越

乎故因為功臣圖贊而申其說如此以戒奕葉子孫並
戒萬世之用兵者

大學士一等誠謀英勇公阿桂

勘外守中未恒亮功馳咨軍務志每予同歸朝襄贊剪

逆除兇三登紫閣福厚功崇

去歲在山莊籌辦臺灣軍務其時阿桂留京辦事七

月又命往河工會辦堵築事宜是此次軍務阿桂並未
辦理惟間有指示方畧諭令閱看覆奏每多意見相同
及後報捷之時阿桂甫得差竣回京是以一體
予以議叙且以班次在前故列為功臣之首云

大學士三等忠襄伯和珅

承訓書諭兼通清漢旁午軍書惟明且斷平薩拉爾亦
曾督戰賜爵勵忠竟成國幹

大學士王杰

典學七閩肅正士風臺灣民俗頗悉心中山海險夷參
畫具通有佐樽俎圖貌紀功

協辦大學士吏部尚書陝甘總督一等嘉勇公福
康安

金川領兵已著偉名幾處封疆吏肅政成解圍擒逆能

人不能崇封殊爵嘉爾忠誠

領侍衛內大臣三等超勇公海蘭察

勇弗知書謀勝智士匹馬彎弓賊不敢視欲致活口射
勿令死進爵錫服言難盡美

工部尚書福長安

父兄及已胥國勲親英年習政其心孔純承旨叅議有
見敬申忠良之報並得圖麟

戶部尚書董誥

舊例軍務多用清文茲或用漢綠營海濱治以馬上亦頗効勤堪同福將閣上書勲

閩浙總督李侍堯

以恒入覲命往閩疆戰固老矣謀猷允長渡兵濟餉井井有方不誤軍儲其績孔臧

兩廣總督一等輕車都尉孫士毅

粵閩接境唇齒相依資鄰守已均合時機向任部員曾隨出師文武幹才超錫允宜

福建巡撫徐嗣曾

宣撫之任守土安民一應軍務責成督臣佐之贊之竭
慮攄勤渡海籌疆亦可稱勲

成都將軍法什尚阿巴圖魯雲騎尉鄂輝

無前出力屯練之兵將軍鄂輝實率以行覆穴推壘到
處功成勇而有謀亶國之英

護軍統領穆騰額巴圖魯雲騎尉舒亮

金川之役已為領隊事定功成統軍歸內搜捕逸賊不

遺醜輩生致逆渠其能不昧

護軍統領沙爾瑪海巴圖魯三等奮勇男雲騎尉

普爾普

隨父入都甫十餘歲既長能勇曉兵有制既救諸羅通路府際先登拔柵圖容兩逮

福建水師提督健勇巴圖魯蔡攀龍

臺灣戰將巨擘惟茲向嘉大紀乃被所欺

上年因柴大紀在諸羅被

圍日久曾諭令酌量如實不能支不妨保護義民全師而出另圖進取而柴大紀覆奏不忍將數萬生靈委之

賊手仍督率兵民忍飢固守以待援應覽奏為之墮淚
是以特沛殊恩封伊伯爵並賞銀一萬兩以示優眷嗣
據福康安奏其為人狡詐予猶不忍以空言遽加之罪
其後德成自浙江差竣復命細詢之遂將伊居官聲名
狼藉之處逐一面陳因命福康安李侍堯琅玕各據實
查奏則其貪劣釀成逆案種種竟有確據且當賊匪起
事之初柴大紀正值巡察彰化不即帶兵剿捕轉托稱
派兵回郡及聞彰化失陷仍復觀望不前遲至數日始
行以致逆匪蔓延其罪尤不可逭因即令革職鞫其
水師提督員缺即以蔡攀龍調補蓋前此未有人摘發
其私予馬肯為逆詐僥不信之見迨既經敗露則不得
不明其賞罰以示勸懲是柴大紀之前後功罪予惟協
於至公更無所
容心於其間也

賞罰各當弗濫弗遺惟明克允奉三無

私

福建陸路提督奮勇巴圖魯梁朝桂

金川剿逆埋根進首鹽水恒瑞未免掣肘及防蔴豆禦賊堅守受創力戰嘉哉鮮偶

浙江提督堅勇巴圖魯許世亨

黔省之兵素稱勇敢率以赴軍半天衝險嬰之者斷當之者斬不愧丈夫一身是膽

四川松潘鎮總兵奮圖禮巴圖魯穆克登阿

斗六里杙排竹為城直斫而入大敗賊兵隴種鹿埕內

山遁形搜擒首惡林林衆英

四川建昌鎮總兵札敦巴巴圖魯張芝元

金川隨征超熊羅旅茲領番兵以通番語賊屬生縛賊路嚴禦卒獲生俘厥功允巨

臺灣鎮總兵冲傑巴巴圖魯普吉保

攻克笨港本有微功未解諸羅賊衆難通賈勇贖過奮不顧躬扼科仔坑逸賊路窮

散秩大臣贊巴巴圖魯四川土守備穆塔爾

金川降番功難屈指茲領軍隊有進無止衆志成城妖氛淨洗晉秩中朝同仁一視

附後三十功臣像贊

吉林副都統法福禮巴圖魯烏什哈達

金川領隊不畏巉岌領水師兵豈亦所習連檣海口合勢圍急大田就擒志聖功立

署正白旗蒙古副都統布隴巴圖魯岱森保

初至著績鹽水港營移師南路爰靖海鯨率先鼓勇

有將提兵牛莊深入克壯軍聲

江南狼山鎮總兵堅勇巴圖魯袁國璜

夙習行陣茲督部隊志勇而堅望風賊潰偵蹤歷險
遂搜山內分兵扼要是用嘉賚

南澳鎮總兵誠勇巴圖魯張朝龍

金川之役錫翎褒績載樹殊勲截途飛鏑抵菴古坑
乘勝鷹擊獎勵有加愀忱倍激

原副都統銜總管舒克丹巴圖魯特爾登徹

索倫勁手箭無虛發躍馬突陣縱橫倏忽視力窮追
猛氣咆勃再炳丹青用旌偉伐

副都統銜頭等侍衛呼嵩額巴圖魯博賓

蝟集榛莽路截崎嶇經一晝夜頓闢通衢突騎衝擊
賈勇長驅全軍直達摧朽折枯

廣東肇慶協副將庫爾庫巴圖魯官福

隨征金川秩以功超茲率粵兵鼓銳揚船所向披靡
震電馳颺轉旆而南克水底寮

頭等侍衛和隆武巴圖魯額爾登保

中林効績健捷過人星馳飛鏃操刺罕倫直前披擊
衝壘奮身龍驤備衛是謂虎臣

頭等侍衛費揚阿巴圖魯春寧

惟爾祖父捐軀鏖鎧爾稍踰閑抑之有待鳳山禦賊
不致蹈海功以蓋愆勛哉嘉乃

頭等侍衛佐領能登額巴圖魯穆爾塔

努力行間奮殲賊黨轉戰益厲英資颯爽氣之所至

已吞伏莽寵命執戟國章懋賞

健銳營前鋒叅領斐靈阿巴圖魯賽崇阿

闕如虬虎薄彼林叢賊燄既銷隊整罷熊守據險要
稀突計窮痛加殲戮亦藉爾功

護軍叅領錫林巴圖魯碩允保

進兵救援弗避矢石策馬前驅千人辟易軍中著勇
霜林逸翮克護軍威壯哉斯役

護軍叅領喀爾春巴圖魯萬廷

惟彼中林衝陣孔棘奪隘毀巢追奔逐北踔厲無前
搜捕潛匿協奏膚功嘉茲勇力

蘭州城守叅將果勇巴圖魯吳宗茂

重圍既解勦大埔林尾追賊衆躬歷嶮嶺小半天山
聳躍雲岑分軍繞後勢已成擒

副前鋒叅領發拉薩台巴圖魯錫津泰

賊非勑敵此怯彼張似茲勇戰果勁孰當馳禦南北
迅復村莊有勲必錄附載旂常

副前鋒恭領哲布銓額巴圖魯彥津保

巷古坑前跳梁竄逆破其危巢災其柴柵披堅斫陣
驚心奪魄鷲入鴟羣罔不手搯

吉林佐領噶爾薩巴圖魯五德

趨衝賊圍激厲勁屬鎗礮兼施烏合蜩縮踰越山梁
飛梯著足表績宣勞為有功勛

三等侍衛達春巴圖魯三音庫

整隊疾馳殲茲草竊林落蠶屯連宵雜滅兵威震驚

賊膽碎裂似茲猛士允副嘉悅

三等侍衛什勒敏巴圖魯屯保

箭斃鎗殪兵氣遠揚援師嘉義自元長莊鋪敦直入
武人洸洸入險出險績著戎行

三等侍衛奇成額巴圖魯哲克

奮力宣威破圍奪路剪削羣兇罔有脫兔雨集雲屯
勢難負固矯矯虎臣賊人驚怖

三等侍衛額爾克巴圖魯薩寧阿

遇險出奇騰躍前進援壁扳林折衝蜂陣鯨目鯨身
悉膺鎗刃敵愾効誠威名亦震

三等侍衛額騰伊巴圖魯克陞額

勤劬致果率克籬藩星夜馳逐至斗六門潛踪盡發
殲戮無存聿彰勇銳共受殊恩

三等侍衛伯奇圖巴圖魯薩克丹布

率衆攻堅奮擒獍悍毀柵截途殺賊無算火燄騰山
力窮鼠竄潰彼蟻封資爾勇幹

三等侍衛能登巴圖魯博綽諾克

士皆用命奮勇同心路分南北追險入深也除彗掃
併力殲擒衝鋒陷陣氣幹堪任

三等侍衛珠勒星額巴圖魯特勒登額

戰酣易騎罔分晝夜電閃火攻風馳逐射窮寇捕誅
夔魑躡藉披覽軍書如聞叱咤

三等侍衛揚桑阿巴圖魯巴彥泰

遇賊累萬領隊爭先至大里杙力戰攻堅追躡密箐

縱躍峰巔壯心銳氣突將堪傳

三等侍衛瑚東阿巴圖魯定錫鼐

力宣驃營威揚武畧入虎仔坑士氣倍作殲厥醜類
收復村落獎勵維均聯標紫閣

三等侍衛錫特洪阿巴圖魯阿哈保

賊首窮蹙遁入內山搜捕殫力絕頂躋攀爽文就縛
何有茅菅錫巴圖魯壯士增顏

屯練二等侍衛多布藏巴圖魯丹拜錫拉布

才不擇地矧介胄士昔得勇名茲賞及子勸能酬庸
不忘薇杞歲事凱旋均昭錫祉

先練守備扎克布巴圖魯阿忠

練習勇藝無堅弗摧逝矣西土亦自呈材海疆讐服
衆武旅恢數符大衍邁彼雲臺

欽定平定臺灣紀畧卷首二

欽定四庫全書

史部

欽定平定臺灣紀畧卷首

三五

內閣中書臣沈鵬覆勘

武英殿纂修中書臣彭元琬

欽定四庫全書

欽定平定臺灣紀畧卷首三

御製詩一

命免臺灣府本歲正供詩以誌事

本歲蓋歲在丁未

無端孽種聚符茆劫掠村莊害及官

福建臺灣逆匪林爽文等創立天地

會名曰煩誘匪徒謀為不軌劫掠村莊及知府孫景燧知縣俞峻等往捕轉被戕害當此先天化日之下聚眾

無厭不法已極不可不不得已而用兵勦莫非勤以俾

民安因思亂後閭閻困令今當前賦稅寬

據總督常青提督黃仕簡

任承恩等先後奏報連次用礮擊殺逆匪甚衆並有義民鄉勇數千隨同勦殺甚屬可嘉除俟事定後自當從優分別賞賚因念臺灣良善百姓當此逆匪肆擾之際驚懼逃避不免受其荼毒深堪憫惻因馳降諭旨令將臺灣一府四屬今歲歲糧免徵輸以示軫念良民至意德化未臻寧新澤一為南望一心寒

迴蹕至圓明園作

夜半濃雲佈晨凌細雨霏無何妬風作遂覺亂塵飛徒

復成虛望惟慚勅萬幾待郵兼待澤

臺灣逆匪等因黃仕簡任承恩互相

觀望以致首犯林爽文至今未獲已飭常青到彼督辦行盼馳奏以慰懸念又連日雨意頗濃而每為風散盼

望成虛亦
為之不愜
愁度往和歸

福建巡撫徐嗣曾奏春雨田功情形詩以誌慰

臺灣有事討奸民

臺灣逆匪林爽文等滋事不法屢經官兵斬獲而首惡尚未就擒前因黃

仕簡任承恩觀望誤事令常青到彼相與督辦日來盼望馳報以慰壓懷未免發兵近自閩

軍餉寧辭供內地田功最要利三春晴資麥壠卜登圃

雨足稻塍起壘峙

據徐嗣曾奏閩省去冬雨水頗勻麥苗滋長開歲以來據通省各屬稟報

自正月初四五六及十八九二十暨二十七八等日屢得春雨到處普霑二麥倍加暢發園蔬雜種無不茂盛現值東作方興更得及時翻犁佇待飛章報擒逆閭閻播種閭閻安堵民情

安堵樂熙淳

三月二十九日遣悶雜言

九十春光減兩日

今春正月三月俱小建

侵尋速至三月盡明當

首夏從頭數韶冶去付東流允歲除前日雪優霑華滋景物殊常婉孟春猶稚仲春麗御園花事爭妍繁我已

畧厓望雨心肯以賞花間

去聲

民隱季春上中下之斡日

甚一日旱象引昨看弄田麥苗綠及時嘉霽豐猶準十

日不雨恐無之難言大田已播畛

御園內所種之麥田青翠可愛若十日內

得有透雨尚可冀豐收至瀕河水田秧針已出則由於引水灌注之力不得謂大田已播望雨未駛也近

每生雲隨散風嗟我膏澤懼尚遠况經捷信盼臺灣庸

臣失律增慙憤

臺灣逆匪林爽文等滋擾已逾三月餘尚未殲滅盡淨黃仕簡任承恩二人觀

望誤事之罪實無可逭已將伊二人革職治罪惟望帝青速抵臺灣整頓兵力旗鼓一新刻日進剿歲事耳

雜言遣悶弗成章莫勝其慚辭亦窘

致遠齋題句

致遠題名久駐園理事處非關攬景曠惟慎勅幾務道

接閩中章勦匪悉真故按兵而不舉庸懦二人誤

臺灣賊匪

林與文等糾眾不法黃任簡任承恩帶兵勦捕日久未能殲滅歲事朕料伊二人必有遷延觀望懦怯誤事之處已將伊二人革職治罪令常青過臺灣督辦茲據常青奏到黃任簡安坐郡城並未親率官兵進勦又復調遣失宜任承恩駐守鹿港當賊匪林與文回巢之際亦並不奮勇勦賊種種貽誤之咎果不出朕所料殊為憤懣

先事遣重臣甫到臆謀慮整頓作士氣旗鼓新軍律

叶黃任簡任承恩二人觀望逗留與賊以暇其罪實無可逭幸而朕早已料及先令常青前往並授為將軍復以福州將軍恒瑞提督藍元枚為叅贊並諭據福州駐防兵一千名帶領飛渡臺灣協同勦捕其失機之總兵郝壯猷即降旨於軍前正法以激勵將士茲節次據常青奏稱整頓現有兵力訓飭將弁并請添調廣東浙江兵七千名俱由鹿耳門進口不必再行分撥且俟兵到三四十之後即親自統領先將南路賊匪撲滅後

再行自南而北務期迅速擒獲賊首平定
海疆所辦皆合機宜佇盼捷音以慰懸注
易將更調兵
理根弗迴顧獨是海外遙風信難定遽亦惟盡我心籌
畫勤寐寤聞捷尚需時傍徨盼朝暮

閱武

健銳營茲駐今將四十年雖安不忘耳得力則誠然

戊辰

歲於香山置健銳營訓練八旗兵丁素稱精銳從
前平定準夷回部大小金川屢經徵調實為得力

詎獨

驍騰捷所嘉心意堅

滿洲兵臨陣以退縮為恥不似綠營懦怯惡習往往有兵不顧將脫

逃之事茲臺灣逆匪林爽文等糾眾不法調兵進剿乃
因黃仕蘭任承恩二人觀望誤事以致賊勢鸚張總兵

郝壯猷所帶兵丁遇賊潰散退回郡城其畏葸失律罪無可逭若綠營弁兵俱能如八旗勁旅奮勇堅心埋根前進自當早獲渠魁撲滅賊事矣

閒因示戎詰亦以寓恩宣

香山地遠京城健銳

營列五萃處無外誘習氣故能操練精熟每駐蹕此地必親臨閱視分別頒賞其中技勇起衆者加倍恩賚以示鼓勵

實勝寺

實勝寺建山之陽置健銳營早有記

乾隆戊辰夏用兵金川以彼恃礮之

險攻久未克因憶敬觀

列朝實錄開國之初我旗

人躡雲梯肉薄而登城者不可屈指數以此攻礮弗克因命於西山之陽設礮而簡飲飛之士習之未逾月得精其技者二千人命大學士公傅恒為經畧統之以行

逮平定金川後卽就礪傍舊寺易其名曰實勝昔我
太宗破明兵十三萬於松山杏山之間歸而建實勝
寺以紀勲茲防其創合成功之旅立為健銳雲梯營並
于寺之左右建屋居之詳見己巳歲御製實勝寺碑記
以遵

家法宣國威實賴八旗兵子弟平定西域及金川無不成

功慶如志

自立健銳營後所習雲梯馬步射鳥鎗諸技訓
練精熟趨捷勇往嗣平定西陲及大小金川

得其力

何意海外邪教輩俾兩提臣誤軍事

上年十一月臺灣逆

匪林爽文等倡立邪教教天地會滋事不法水陸兩路提
督黃仕簡任承恩帶兵前往勦捕不意伊二人互相觀
望貽誤之罪
實無可追
一南一北自株守與賊以暇賊生計綠營

恒怯惡習成遇敵猖狂即退避以致蔓延恣梟張三月

待久捷未至

黃仕簡領兵郡城任承恩株守鹿港一南一北遷延不進與賊以暇致令蔓延竊發

甚至總兵郝壯猷恒怯無能遇賊奔潰已經三月有餘尚未殲滅歲事

幸予慮早遣將臣

一新旗鼓申軍律

叶

稍待調兵抵臺灣殲賊安民整吏

治

賊匪事起於去年冬至月黃仕簡任承恩既到臺灣候至彌月未見奏至攻剿情形即慮彼二人必至誤

事幸早見及此命李侍克為閩浙總督往辦軍需而令常青飛渡臺灣投為將軍督兵剿賊並將失律之郝壯猷于軍前正法以警將士常青到彼後查奏貽誤情形果不出朕所料具籌畫整頓兵力進剿諸務頗合機宜申明紀律旗鼓一新惟以現有之兵因黃仕簡等調遣失宜未免氣餒奏請添調廣東浙江兵七千名候到有

三四千名即先行帶領自南而北以期生致逆賊首犯其餘么麼小醜無難一鼓殲戮淨盡綏靖海疆俾被難羣黎復安生業現在尚須厚集兵力不得不步遲時日盼望捷音殊深懸厯此事總由用黃仕簡任承恩二人不當所致而誤用二人則朕之過實為慚憤耳

用人之失我實當畧叙其詳不

勝愧

題含浮堂六韻

別墅梵宮近

堂為聖化寺別墅康熙年間所建堂額乃

聖祖御書林深佳蔭攢

經年來閱武

香山之健銳營與茲所閱西頂之火器營率經年一閱所以均賞賚校武藝遂為常

例便道憩傳餐兩字

奎章仰千秋治法觀持盈誠不易返樸更云難庶政胥勤

理軍書更細看

今早於此傳膳辦事適接常青報到奏稱三月二十二二十三及二十六二十七

等日逆匪竟敢率衆直逼郕城常青令遊擊蔡攀龍等領兵並率同義民奮勇擊殺先後殲戮甚衆並有賊目莊錫舍等悔罪投誠殺賊等語常青辦理甚合機宜此時消息已轉不難計日歲事因加獎諭並授其子為三等侍衛賚恩賜玉縣佩囊等物前赴軍營省視以示優眷并允所請將蔡攀龍超陞副將又特賞給花翎具義民之陣亡者亦諭令照兵丁之例加倍賞恤蓋行軍之道非信賞必罰不足以鼓舞戎行而每當接到軍書之際更不可不詳細閱看以定其功過也

亦惟明賞罰敢不慎其端

見樂

嘗讀繫辭傳見幾曰君子設其俟終日毫釐謬千里馳

驛易閩督往臺灣經理

上年冬至月臺灣送匪林真文等糾眾滋事黃仕簡任承恩帶

兵前往勦捕節次據奏分兵堵禦零星殺賊並不知埋根首逆直搗賊巢予即慮伊二人必有互相觀望畏縮

貽誤之事于正月初十日適李侍充陛見來京即將伊調任閩浙總督馳赴福建辦理一切軍需事宜而令常

青飛渡臺灣專界以甫於到臺灣前一日事否鳳山得

復失三千軍敗北

叶奏稱總兵郝壯猷帶兵勦捕南路賊

匪遇賊攻圍衝殺官兵竟至潰散鳳山縣城已經收復旋又失守郝壯猷退回郡城所帶兵丁三千名潰曰者僅止七百餘名郝壯猷及敗殘兵於初八日陸續至郡城此總由黃仕簡安生郡城調遣失宜郝壯猷不能督

欽定四庫全書

御製詩一
欽定平定臺灣方略

七

率奮勇以致敗績其罪實無可逭并查叅黃任簡任承
恩二人一南一北株守遠延浸無籌畫種種誤事之處
果不出朕先幾所料因降旨將郝壯猷於軍前即行正
法以為玩愒遲縮者戒其黃仕簡任承恩俱行革職治
罪即授常青為將軍令恒瑞藍元枚二賊勢益猖狂欲
人為叅贊俾事權歸一得以迅奏膚功

攻郡城通設非常青至事不可知矣

自鳳山復失後賊
勢益為猖獗乘勢

竟犯府城相距十里之外設非常青即時到彼則黃仕
簡尚在彼以其老病昏惰一籌莫展必致為賊人所刻
否則以身殉之尚復成何事體雖么庸小醜終不難辦
理歲事但曠日持久臺郡地方良民為賊蹂躪益不可
問矣
幸藉老成臣鼓勵士氣起今日接飛章牋賊新壁壘

賊黨悔罪投用以殺賊匪

常青年逾七旬而精力勇往
到臺灣後節次所奏經理調

度頗有方畧據稱南路賊匪攻擾郡城官兵義民等奮
勇勦殺斬獲二千餘名經此番大加截殺賊勢披靡郡
城安固無事并有賊目莊錫舍帶領二千餘人悔罪投
降常青恕其或有挾詐情事因令殺賊自效方准其降
所辦持重甚合機宜一俟續調粵兵到日先即統率將
南路賊匪掃淨合并直洗大里找賊剿務將林典文及
賊目一併生擒以正刑誅覽奏頗為欣慰此時消息已
轉與會甚佳自可計日告蒞迴思此事轉移之幾實賴
上蒼默佑俾予燭及事前早為調置得以無悞予
惟信賞必罰慎重嚴明仰承 助順佇盼捷音以靖
海疆

耳 郡城得以安羣賊散披靡惟待調兵至賈勇賊巢

洗迴思轉移間實賴見機耳見幾宣易哉

吳貺蒙佑啓貞吉

天助慎誠明傳合旨

繫辭下傳曰知幾其神朱注以為釋豫六二爻義其爻
曰介于石不終日貞吉朱注又以為其德安靜而堅確
蓋訓石之義引而未發也予則以為石喻不動乃訓誠
也中庸曰誠則明明始能見幾不動而誠則介石實為
見幾之本若夫石之堅確不動似與不俟終日之速有
遲然而不遲也幾者動之微吉凶之先見苟見幾矣無
以應之是謂失時則又予遲速論所謂兵事宜速之義

然而不基以誠而出於明其失又可勝言哉由是觀之
子思可謂知易矣向釋上傳第五章亦以為與中庸首
章有相合者茲因賦見幾之什故復闡其義而申論之
永佑寺瞻禮用辛丑詩韻

延薰致爽復來居

延薰山館烟波致爽皆避暑山莊三十六景中

皇祖賜題也

瞻

拜

穹樓例奉初

仁顯

憲

承昭自昔德明威畏愧惟予么膺燭值猖而獗

臺灣林爽文等

本以么膺邪教煽衆跳梁其始由黃仕簡任承恩互相觀望貽悞于前其繼又由郝壯猷不能奮勇督率官兵為賊衝潰而郝壯猷奔回郡城遂致鳳山得而復捷伐失於是賊勢益復猖獗偵事之咎二人實無可追

張籌速與徐

幸余燭于幾先命李侍堯為閩浙總督令常青為將軍飛渡臺灣督剿節次奏到所

辦俱合機宜此即余遲速

辛丑甲辰跡畧似那辭勞重

去治軍書

辛丑甘肅撤拉爾番回肆逆及甲辰新教逆回田五等糾衆滋擾俱在山莊駐蹕時籌治

軍書茲臺灣逆匪首犯尚未就擒連日馳諭方畧與向

二年跡畧相似予惟敬承

皇祖

皇考諫烈之

昭垂德威並用以期速歲膚功豈敢復辭勞勩也

遣悶十韻

任簡

黃承恩

任

兩提督一南一北互盤旋

上年十一月賊匪林真文

等肆逆黃仕簡任承恩過臺灣勦捕意謂么麼小醜不難立時擒獲不意黃仕簡任承恩二人一南一北互相

觀望遷延數月殊深憤懣

與之暇乃賊生計之出奇因軍久懸

黃仕簡任

承恩彼此觀望不思激勵將士出奇制勝轉與賊以暇俾得從容生計抗拒官軍曠日持久未及歲功

致鳳山得而失

鳳山於二月二十一日已經收復後賊匪復來侵擾而總兵郝壯猷恒怯無能

敗回郡城兵丁潰散黃仕簡安坐郡城此南路之悞也

徒稱鹿港守之專

任承恩在路北

即應整頓兵力自北而南合同黃仕簡設法擒捕賊首乃株守虎仔港藉詞守禦此北路之悞也

社毆

烏合路梗塞港聚蜂屯野蔓延

賊首未得即時就擒遂致黨匪得以肆出侵掠

迫脅良民於是大肚社二林社麻豆社大武壠社笨港鹽水港竹仔港東港等處賊勢蔓延南北通衢俱為梗

塞債事自應示明勅者功爰更易英賢

行軍之道責於賞罰嚴明黃仕

簡任承恩遷延誤事因令李問解京治罪郝壯猷賊逃迴郡亦即於軍前正法明罰勅法不得不爾又幸予燭於幾先於新正即調李侍堯為閩浙總督馳往辦理軍需特授常青為將軍恒瑞藍元枚為叅贊飛渡臺灣督率增兵相機進剿請兵莫不速簡往

常青於三月初九日抵臺灣目擊賊匪猖獗勢頗厚集兵

力節次奏請添調官兵隨令先後揀調廣東浙江福建駐防滿兵共四千名綠旗兵共一萬四千名不但如數調往且於所請之外復添調漳州兵二千名廣東兵一千名分往常青藍元枚二處以冀赴期奏凱綏靖海疆

蓋責人以勦賊成功而不與之兵朕豈為之但遠隔重洋恐調遣需錢為之焦急底績惟期奏

凱還西禦東防非上策掄精選銳在礮堅

常青至臺灣後意欲廓清

南路拏獲賊目莊大田再往北路會勦林爽文乃賊計狡黠見大兵俱在府城諸羅軍弱故作窺伺府城以牽綴官兵實欲攻逗諸羅而常青等西禦東防亦非善策因屢次申諭常青酌留將備兵丁堅守郡城克當簡率精銳直趨北路沿途剿殺打通斗六門一帶與柴大紀會聚其鹿仔港正令晉吉保固守藍元枚帶兵亦自北而南與常青等合兵一處則兵力既厚軍聲益壯直攻大里枋為擒渠搗穴之計迨林爽文一經拏獲其餘賊黨無難立軍機曉夜重籌畫驛驛檉海山遥望牽

予因臺灣之事

已經半載雖常青等屢得勝仗殺獲賊匪而大局尚未克定為之宵旰籌畫盼得捷音惟海道遙遠軍報不能

速達未免時
切縫念耳

要以安民蠲賦普

臺灣自逆匪滋事後閭閻未免避賊遷徙有誤

農功早於二月內即降旨將臺灣府四屬本年應徵地丁錢糧普行蠲免用示軫卹矣

仍虞貴糴

運糧連

臺灣素稱產米之區漳泉各府向資接濟今年賊匪肆擾轉藉內地運送軍糧因念閩省必有

責糴之虞節次降旨令江南浙江江西四川運米數十餘萬石並據舒常姜甌籌辦湖北米十萬石陸續運送至閩俾民食益臻充裕糧價不至增昂任人予誤將誰諉紀實聊成遣悶

篇

出伊遜崖口至張三營行宮作

伊遜

平聲

由進復由還

伊遜河名即崖口是也虎榛蓋設於此

半月風光眨

眼間向暖面看迎綠樹經霜背指別蒼山恩頒獵騎都

鳧藻

每歲獵罷出哨第一程東道則於此張三營西道則於阿穆呼朗圖賜從獵之蒙古王公台吉等及

所部兵丁等食并頒賞緞尺銀兩有差令其各歸所部

稔獲農村鮮鵠顏日盼官

軍殲逆寇問郵午夜未心閒

常青等勦捕臺灣逆匪林興文等尚未歲事來往木

蘭半月餘日盼損音為之縫念不置

迴蹕至避暑山莊即事有詠

時蒐此復轉山莊景物深秋又異常潦盡溪波黃變綠
霜濃林葉綠為黃雖云心志如前壯究覺馳驅昔強

斯去斯來增愧處軍書籌畫肝宵忙

諸羅圍解

大紀崇復諸羅乃在春之首

諸羅前被賊匪林真文糾衆搶佔經崇大紀帶兵攻

擊於正月二十二日由田洋進兵賊人閉城堅拒邱能成奮勇先登攻開城門我兵乘勢追趕入城賊人由北

門而逸崇大紀入城安撫賊勢少却侵尋未掃穴翻被圍之久

維時黃任簡任承恩

互相觀望不能督兵奮剿於是賊衆復合繼而常青等渡海之後奏請增調官兵亦未能決策制勝以致崇大

紀被圍數月皆數人困循貽悞之咎也

督飭速解救降肯頻頻有大斌

魏

率兵往半被賊所取

時莊大田於南路牽綴官兵林真文等專力環攻諸羅頻經降旨催

飭常青等統率大兵直趨北路救援乃常青祇令魏大斌帶兵一千五百名往救中途接戰不利轉傷官兵一千餘名不勝慟慟

所嘉柴大紀勇而謀更富叶能聯軍民情同

心為固守壯士奮戰開義民資糧糗以此佈大恩預免

明年賦

叶

先是據柴大紀奏稱賊匪攻犯縣城並扛抬枋車圍攻西北兩門柴大紀督同官兵義民

奮力勦殺設法堵禦用砲擊碎枋車數座打死賊人數百賊始退散迨後賊匪屢次圍攻柴大紀悉力捍禦得保無虞其時魏大斌所帶火藥銀糧被賊擱截不能前進城內紳耆舖民挑送飯米凉水以給軍營又有牌腹村義民亦運糧接濟該義民等踴躍急公均屬可嘉春間業經降旨將臺灣全郡本年錢糧蠲免因再將五十年分應徵錢糧預

行豁免以示優獎

茲因蔡攀龍勦進敗羣醜進而復

出攻梗路資通透

叶不似魏大斌入城增食口

常青開魏大斌

失利之信復達總兵蔡攀龍帶兵一千六百名由鹽水港往援茲接李侍堯奏據署臺灣府知府楊廷理稟報八月十七日蔡攀龍等到鹽水港於十九日領兵前進副將賁林遊擊楊起麟印能成為頭隊蔡攀龍泰將孫全謀為二隊蔡大紀亦帶兵接應入城軍威大振而蔡攀龍等於二十二日復自諸羅打出以通道路實屬奮勇可嘉較之魏大斌既損折官兵大半所餘數百名兵入城一無所為不惟無濟諸羅而諸羅反增食口其功迥正自昭如黑白矣諸羅之圍解焦愁釋心紐賞罰示勸懲惟公明以剖重臣將至彼百將掄雄赴

此大諸羅解圍在事出力諸人蔡大紀捍

禦有方謀畧素著蔡攀龍帶兵援應最為奮勇伊二人已擢用提督賞帶花翎特加賜玉縣佩囊用示恩眷其

副將賁林即擢用總兵泰將孫全謀即擢用副將遊擊
邱能成楊起麟俱擢用泰將並賞戴花翎一體恩賁至
魏大斌畏怯無能即立予罷斥仍令在軍營効力贖罪
如此賞罰公明將士等自必倍加感激奮勵現在令將
軍福康安叅贊海蘭察帶領巴圖魯侍衛章京百餘人
馳往蚶江飛渡至鹿仔港相機直搗賊巢今諸羅之圍
已解先兆已佳即日福康安到彼統領大先兆已報佳
兵奮勦自當勢如破竹佇盼捷音馳到耳

大功成在後佇待縛二兇露布星飛走

晉吉保奏報收復笨港詩以誌慰

向稱諸羅圍之解誰知隔海傳信訛官軍入城雖及半
其餘仍被賊遮羅更惜捐軀兩勇弁為之扼腕興咨嗟

柴大紀於春正克復諸羅後旋復被賊屢次圍攻常青等初次令魏大斌帶兵一千五百名前往救援中途接戰不利二次令總兵蔡攀龍副將貴林遊擊楊起麟等帶兵一千六百名往援乃官兵入城方僅及半而賊衆又復遮羅不得前進其時李侍克據署臺灣府知府楊廷理稟報奏稱蔡攀龍等於八月十九日分起前進紫大紀接應入城蔡攀龍復自諸羅打出以通道路等語方為欣慰詎意竟屬訛傳茲據普吉保奏收復笨港并稱副將貴林遊擊楊起麟已於彼時臨陣捐軀二人屢著戰績聞之更為憤惜因降旨貴林卽照總兵議卹楊起麟加一等照副將議卹以示垂軫加以海上八九月風帆不利無舟過一月有餘望信至吁宵焦急徒延賊自接常青等奏報後已一月有餘未得續奏日夜為之焦急盼望相傳海上風帆向來八九月不利卽商旅船隻亦不能駕駛交十月後小陽春卽

便可往來
迅速矣

茲值十月亥當律小陽春令迴陽和曉來驛

章通佳信普吉保報殲賊多焚燬賊莊獲賊械收復笨

港安民家東諸羅西鹽水港近五十里非遙遐聲氣既

通約期會三路進取賊巢窠

普吉保奏九月初六日帶領官兵由大突溪前往笨

港提應諸羅十一日行抵麥仔寮有賊數千在彼處苛派銀米百姓正值驚惶無措聞官兵踵至歡聲動地賊衆奔逸普吉保分作三隊直前冲殺連次打死賊匪數百人生擒三人奪獲器械米穀無算并焚燒板頭厝等賊庄七處收復笨港安集良民現在又與恒瑞崇大紀訂期三路合攻該處東距諸羅僅二十里西距鹽水港僅三十里聲息密通又常青聞恒瑞在鹽水港被賊攔阻派總兵梁朝桂副將謝廷選帶兵一千名前往策應

恒瑞處原有兵三千并茲以重臣率勇將久經勲績凌
力會勦自當勢如破竹

烟磨待風縱覺遲數日新兵齊到翻為嘉

前令福康安
海蘭察帶領

巴圖魯侍衛章京百餘人前往探李侍堯奏尚在大據
門候風波洋雖覺少遲數日而新調之廣西兵三千已
抵厦門其四川屯練二千貴州湖南兵四千亦接踵可
到又鄭國卿所帶閩兵三千亦將次配渡統計生力兵
萬人福康安帶此勁兵飛渡鹿仔港相幾會勦直搗
賊巢掃穴擒渠一舉蕞事佇待投音之至以慰屢念聲

勢既壯破賊膽不難靖逆揮天戈却以安民為要務叮

嚀訓諭慎莫苛

臺灣民人附賊本非甘心多因迫脅所
致隨馳諭福康安到彼尤應將安分良

民妥為撫慰安戢即已經從賊者亦應設法招徠分別
辦理不可因其業已從賊概予殲除阻其自新之路堅

其助逆之心也

屈指兵至鹿仔港重新旗鼓殲么膺耆定武功

奠海瀝七閩閉戶昇平歌

水師提督柴大紀奏固守諸羅信至即加恩封為一

等義勇伯詩以誌勸

正月諸羅克復纔結營牆築更溝開

柴大紀於正月克復諸羅之時即相

度形勢分兵創營於縣城四門外要害之處迨六月杪賊勢猖獗遂環營開溝並堆築短牆安設大砲二十八尊以為禦賊之計營盤甚屬堅固是以賊衆疊次攻犯俱為官兵所敗旋聞夏杪賊猖獗

竟敢城攻恣擊屢以少勝多策其壯聯孤為衆志猶恢

欽定四庫全書

御製詩一

節次柴大紀奏稱逆賊林興文糾衆萬餘不分晝夜接連來犯營盤並將八獎溪用土石壅塞決水泛溢以阻援兵來路又用大板木車中藏鎗炮挽以四牛分路冲突俱為柴大紀設法抵禦令人挖通填溪之土放水順流並用大砲擊碎木車殺死賊匪無算皆由柴大紀調度有方聯絡義民之心故能衆志成城以少勝多屹然不動如此為國宣勞實為難得每於被義民勇士感誠焉閱來捐嘉獎之意真不可名言也

禦壘輸糧弗懈顏

柴大紀激勵將士義民人皆感激思奮當諸羅被圍日久軍將漸乏而魏

大斌所帶火藥銀糧復被賊攔截不能前進城內外紳耆舖民挑送飯米凉水接濟軍營歷久弗懈甚為嘉軫

有旨相機計求別直陳固守志毋迴

前因賊衆窺伺諸羅百計攻擾而常

青先後所派援之兵總未能即至惟恐柴大紀激於忠憤堅守與城俱亡之義固守勿出則反失一賢臣是以

降旨令其酌量情形如力有難支不妨率領官兵整隊而出并慮義民受賊戕害於心有所不忍諭令設法捍衛出城再圖進取乃柴大紀接奉此旨覆奏縣城一切守禦久經佈置周密且城內數萬生靈不忍委賊毒手立意堅守以待救援與予軫念義民多方受護之意適相脗合批覽之下為之墮淚似此忍饑固守心志益堅惟知以國事民生為重

析骸為爨雖未至望眼已穿待

援來督飭進兵莫遲耳優頒加爵寔宜哉

據柴大紀奏諸羅情

形兵民皆以花生地瓜野菜充饑尚能忍餓堵殺賊匪柴大紀疊次移文將軍常青轉催恒瑞普吉保迅速救援而二人以鹽水港笨港地方緊要且虞後路無繼不可輕離為辭未念柴大紀待援甚急不可少緩因即馳諭普吉保令其速統大兵往救援接濟糧餉鉛藥以保無虞柴大紀力捍危城忠肝義膽發於至性其在臺灣勦

欽定四庫全書

御製詩一

殺賊匪勞績最著即此守城一節堅志不移尤為難得
應加恩封一等義勇伯世襲固替並賞銀一萬兩俟大
功告竣後再行優加封賞所有諸羅義民員弁官兵激
發忠義同心固守實堪嘉獎昨已降旨將縣名改為嘉
義再將五十四年閩縣地丁錢糧全行蠲免並令查明
出力員弁咨部優叙其隨營兵丁賞給兩月錢糧以示
獎勵現在福康安迅抵鹿仔港兵威壯盛士氣百倍自
當即日破賊解圍擒斬首逆林爽文等共奏膚功以靖
海疆而安
黎庶耳

臣等謹按柴大紀奉有率眾出城之

旨仍奏稱情愿死守嘉義以待大兵之至

上為動容封以伯爵

製詩嘉獎迨福康安解嘉義圍始聞固守事由義民非
出大紀意密陳其所奏多不實

上猶心重大紀功勿竟其事及侍郎德成使浙還始奏
所聞大紀不法事下李侍堯琅玕察核遂盡發其
貪縱廢弛狀

命福康安審訊得實九卿請論如律奉
旨逮繫至京蓋猶將緩其死也

廷訊時復誣詆德成在臺灣時搜求其事無所得冀以

自鮮而案無左驗

上怒其狡詐始誅之臣等恭讀

御製賜大紀詩蓋在初披死守嘉義之奏所謂不逆詐
不億不信君子可欺以其方而其後以次敗露終
伏厥辜也又所謂國人皆曰可殺然後察之見可
殺焉然後殺之者乎臣等益仰見我

皇上聖度如天而人臣之罔上不忠即邀倖欺飾於一
時非但衆論有所不容鬼神亦將陰奪其魄也

冬至

南郊禮成述事

陽迴泰谷值生寅

是日寅正一刻
十四分冬至

亞歲

天恩惠在人五十二番欽陟降

自乾隆元年至今五十二
南郊太祀典禮至重

年每歲必躬親
行禮以昭誠敬

六旬初願矢躬親

予自即位之初願
矢躬親如得蒙

佑至乾隆六十年即當歸政然自今數至乾隆六十
年雖祇餘八年而予乃自七十八以至八十五也心不

敢懈力之能與不能仍
冀上蒼垂佑耳

璧呈青篚循周典律應黃鍾奏

夏鈞時值官軍平海寇

福康安海蘭察率巴圖魯侍衛
章京等統領各路大兵萬餘人

欽定四庫全書

御製詩一

於前月二十八日渡海計此時已早抵諸羅一帶大加勦戮賊匪益額上蒼鴻禧恭祐速成大功速聞捷音

翼垂

鴻佑捷聞頻

福康安奏大勦諸賊開通諸羅並進攻斗六門賊勢

潰散信至詩以誌慰因改賜諸羅縣名為嘉義用

旌士民守城之善

笨港雖攻取諸羅仍艱進

前據李侍堯奏據臺灣府知府楊廷理稟報蔡舉龍等于

八月中旬將諸羅道路打通之信不意竟屬傳訛嗣據署吉保奏九月十三日收復笨港與恒瑞訂期前進旋

以後路無繼不敢輕離為辭不知救兵如救火豈可少
緩須臾乃崇大紀忍餓待援而普吉保等懦怯無能仍
未能直抵諸羅殺賊解圍幸早續發兵重臣威名震勇將選以百新

兵強風振渡海雖遲日以遲翻成迅

幸予囑於幾先於八月即命福康安

海蘭察等帶同巴圖魯侍衛等百餘人前往又調四川
屯練及貴州廣西湖南等省精銳之兵趨行前進福康
安於十月十一日自大樞門開船被風打回十四日得
風駛行半日風色又轉復在崇武澳停泊候風似覺稽
滯然當此候風之際四川屯練兵二千及廣西兵三千
先後到彼風色轉順遂于二十八日申刻放洋至二十
九日申刻所有兵船齊抵虎仔港千里洋面一帆即達
為從來渡海罕有之事此實仰賴上天賜惠
海神靈佑而福康安帶此新兵乘銳長驅即舊存兵丁
及義民等亦有所倚恃踴躍爭先是渡海雖遲而事機

轉為迅達也

齊力遂渡海一日風資順進由鹿仔港三日倏

臨陣大克崙仔頂一當百以奮蔗田及草寮蹂躪率稱

畫

叶

即解諸羅圍資賊糧胥運

茲據福康安奏十月初六日與海蘭察等帶兵

赴援凡遇賊庄即行勦洗初八日黎明行抵崙仔頂賊匪多人潛伏竹園施放鎗砲一聲擁出官兵屹立不動衝入賊中所向披靡及崙仔尾等各庄賊匪前來抗拒福康安預令扼其左右要路並焚斫竹園蔗田及各處草寮繼進至牛稠山地方賊匪阻溪自固屯剏山梁待官兵將至四面圍裹不下萬餘海蘭察等直越溪河衝過賊陣勦殺無算官兵無不一以當百於是賊匪紛紛逃竄福康安等即於酉刻入城城中義民爭先出迎歡聲動地福康安入城慰諭並將賊庄所存糧石令民人儘數搬運米價頓減數倍民情無不歡慶勞軍及

義民懽呼追饑饉全活數萬命旌功恩不吝彰善樹風

聲嘉義名新晉

諸羅被圍日久饑困情形深堪憫惻福康安海蘭察等不俟貴州湖廣之兵到

齊即先鼓勇深入立解重圍城中數萬生靈藉以全活因改賜諸羅縣名為嘉義以旌士民此皆由調度有方振作士氣用能克敵致勝自宜厚加寵錫福康安海蘭察俱即晉封公爵各賞紅寶石帽頂四團龍補掛以示優異其鄂輝舒亮普爾普等及巴圖魯侍衛章京與在事出力之將弁等並令查明咨部從優議敘至此次大加痛勦賊人胆落已成破竹之勢福康安等隨即籌至斗六門一帶擒獲首逆林興文等迅奏捷書慰予盼望不難指日
籌攻斗六門破竹應解及佇勦大理代賊首以俟耳

生擒訊指日以俟之速遞大捷信

降旨豁免臺灣應徵兵穀詩以誌事

臺灣經賊燹正俱免兩歲

春間慮念臺灣良民因逆匪之擾未免有誤耕作九月復

據崇大紀奏諸羅義民踴躍急公情形先後命將臺灣全郡本年及明年應徵錢糧免正輸至諸羅百姓礙屬忠義同心固守降旨將縣名改為嘉義並將五十四年閩縣錢糧亦行蠲免用示獎勵

兵穀繫軍

糈弗免乃恒例督撫廛民艱今朝奏章至不敢竟乞免

帶徵四年計嗟嗟無辜民沙蟲苦受脩茲幸功近成庶

得耕耘遂

茲據李侍堯等奏請將臺灣各歲本年應徵兵穀及耗羨租稅銀米分作四年帶徵等語

目下福康安等帶領大兵已抵諸羅沿路勦殺賊衆潰散族往斗六門一帶搜捕逆首大功不日告成然地方

被賊蹂躪之後艱苦備至來春方事南畝安有蓋藏因
加恩將該郡四屬應徵兵穀十九萬九百餘石及耗羨
租稅銀六萬九千餘兩粟一千八百餘石全行寬免
俾民漸復蘇息以副惠愛被難編氓有加無已至意
令帶徵穀其穀何由致概命豁免之明歲資蘇息可
漸元氣復南望饒憐意

福康安奏報攻克斗六門詩以誌事

斗六門攻克今朝至捷音遲聞因海上

茲據福康安奏十一月二十一

日與海蘭察等分據大埔林中林大埔尾三庄沿途殺
賊六七百名鎗斃騎馬賊目十餘人將器械馬匹全行
奪獲直攻開斗六門即日已進搗賊巢惟其摺遲至月
餘始到是此時擒獲賊匪佳音想亦在途總以海上風

信不常不別信逼山陰

又據李侍堯奏探聞官兵已攻破大里代賊匪逃入內山生番

等稟稱願將林典文擒獲獻出等語

百戰雄皆勝諸臣嘉不禁

福康安海蘭察鄂輝

恒瑞普吉保袁國璜等此大奪擒石卡奮勇勦殺百戰皆勝甚屬可嘉已先行交部議叙至普爾普打通府城道路及分外出力之侍衛章京並鎮將官弁等除賞給巴圖魯名號及陞等賞翎各員外凡在事出力之員弁令一併查明咨部議叙所有打仗出力之兵丁亦令酌量分別賞給錢糧以示嘉獎

東南望翹企

實報首兇擒

福康安奏報攻克大里代賊巢詩以誌事

斗六門既取直前抵賊巢躍溪飛馬渡掃穴短兵交

福康

安等奏官兵於十一月二十一日攻克斗六門之後次
日即檄調埔心二林舊存之兵移駐水沙連山口一面
向大里代進發因大里代東倚大山南繞溪河水勢甚
深福康安等馳馬先渡賊匪乘官兵尚未到齊自城內
擁出萬餘人三面圍裏捨命前撲巴圖魯等鎗箭如雨
四川屯練及廣東廣西兵丁亦即爭先涉水攬殺一處
斃賊甚多天色昏暮於溪邊整齊行隊以待移時果有賊
匪潛來攻擾官兵屹立不動鎗炮大震賊匪旋即敗走
逾刻又沿溪來撲如此往返五六次至丑刻攻擾愈力
隨用短兵相接殺死賊目賊匪數百計自日暮至次日
黎明官兵力戰一夜痛殲

背壘犯雄陣乘宵揮遁鞘

二十

賊衆無算實屬可嘉
卯刻福康安派兵一面與賊接陣一面率同巴圖魯侍
衛等分路攻入賊巢殺死賊目十餘名賊衆二百餘名
生擒賊目劉懷清林茂嚴凱林典文下落據供林典文
見官兵軍威壯盛不能抵敵遂於夜間帶同眷屬遁入

內山隨即分派官兵入搜捕並諭令各社一體堵截擒
拿是此時林爽文亦不過苟延殘喘斷不致稽誅漏網
惟盼望擒獲逆首日渠魁猶待獲盼切捷旌梢
內信至甚為懸切耳

欽定平定臺灣紀畧卷首三

欽定四庫全書

欽定平定臺灣紀畧卷首四

御製詩

戊申元旦試筆

太和元會萬方趨五十三年教敬敷戒在得乎老已至
思其艱也易為圖却非求治成欲速惟是慎終始弗渝
天予古希敢稱倦孜孜猶日勗勤吾

康熙三載逮今歲一百還饒廿五年

康熙三年元旦甲子至今歲元旦又

值甲子凡一百二十五年

甲子重逢真是幸青陽篤祐益增綿功隣

耆定賴

天祐寇剪萑苻靖海壖

立春前一日福康安奏十一月二十五日已攻克大里批賊巢林爽

文寬入內山官兵入山搜捕計時當可就擒

始以七言終五字

每歲元旦及試筆詩皆七

言除夕詩皆五言數十年來遂成常例

遂成常例屬吟箋

命蠲緩福建各府州縣錢糧詩以誌事

妖寇猖狂煽海濱師征經路自於閩雖居近遠地殊格

合視重輕恩被均

閩省自辦理臺灣軍務以來漳泉等府屬應付浙粵滿漢官兵及四川湖

南貴州各省之兵蕪之糧餉軍裝等項絡繹過境雖輕重畧殊均資民力茲大功將次告竣自宜特沛殊恩所有泉州府屬之晉江等四縣漳州府屬之龍溪等八縣應徵錢糧蠲免十分之三其浦城崇安建陽建安甌寧南平古田閩縣侯官福清莆田德化等十二縣蠲免十分之二至福鼎霞浦福安寧德羅源連江光澤等七縣應徵錢糧緩至五十四年麥收後徵收俾小民均沾渥澤用普春祺固是軍儲發國帑宣

無里役累貧民緩徵蠲賦命臺吏屢沛澤猶厯苦辛

上年

因臺灣轉藉內地運送軍糧漳泉各郡恐致費難節次諭令川湖江浙等省運米百餘萬石至閩接濟又將台州等九幫阻凍漕船應兌糧米截留於海道運閩俾接貯充盈軍民口食益加寬裕益念大兵經過之地雖軍儲俱發國帑而閭閻轉運不能不藉民力資深厯念沛恩不嫌過優耳

戊申上辛

祈穀禮成述事

三成躬陟屏上聲扶持九奏欽承式禮儀

祈穀俶禋逢穀日上辛殷薦洽辛時

初八祭日時值辛卯

重重嘉兆

希豐錫懔懔虔衷祝履綏賊首竄山待生獲

前據福康安奏已攻

克賊巢林英文見軍威壯武夜間帶同眷屬竄入內山現有耆社等情願一體堵截擒拏等語逆首罪大惡極自必生獲以彰國憲惟願

貝勒速得捷音慰予致望耳

速聞捷報籲

天釐

新正重華宮二律

正值傳餐憩武成

殿名在紫光閣後是日錫晏外藩先於此傳餐

置郵忽見達

紅旌衆欣賊首必生獲細按軍書未報明

將陞座時忽傳紅旗報至

云生獲逆首一時與晏藩臣及執事人等皆歡喜動色及覽福康安奏祇云等獲林興文父母家屬逆首尚未就獲又稱令投出賊目阮和陳津等入山踞探俟得確信帶兵前往並云林興文恃其地勢險僻勾結生番祇須嚴防隘口一面招致生番協同堵截並不言現往何處擒拏所奏殊不明晰至此么曆小醜亦不值通紅旗而紅旗又非自軍營發來者不知驛站何處添設馳通軍務宣容虛戴現在嚴行飭查

雖此春韶

行資酒那能歡樂聽歌笙晏回卓午重華坐七字聊攬

不快情

東壁聯吟例有詩咄哉茲番去聲乃遲之生擒賊首題方

稱去聲謾頌功成我不為速進督程勸且訓安居深戒慮

而疑

林爽文逃入內山雖據番社等俱稱協等但即當
越此新勝之際一鼓作氣以重兵壓之該番社等

怖於軍威自必上緊擒拏若僅坐守遠處傳諭擒獻或
番社貪其資財轉為藏匿或令竄入化處而衆心因遲
生懈必致更稽時日况據稱南路尚有賊匪竊出滋擾
福康安宜急將林爽文拏獲即馳赴南路殲除餘黨倘
疑慮不決未免於事機遲緩因馳
諭訓戒督其進程朕心殊未愜也

易云君子彊不息決

策寧殊少壯時

新正幸御園即事成什

紅旗未識發何方飭命沿途查勘詳

昨日紫光閣晏前軍營報到不知何

站添發紅旗說稱報捷不將謂賊渠擒逆徒因逆屬可不嚴查懲治以儆虛飾

獲騰章

始聞紅旗遁至以為賊首已得及聞奏指僅云擊獲林爽文父母家屬雖逆匪勢以窮蹙不至

漏網而現尚未得生擒之信覽之殊未愜意

順時行慶寧當簡籌策應機滋

更慶

盼得捷音日甚一日乃福康安已克賊巢未即乘此兵威震懾生番擒渠賊事辦理殊近遲緩生番

等平時當撫之以德行軍之際不可不惕之以威事機少緩彼將不復知快寧肯効命獻賊因即應機籌策訓示再三新正順時行慶加惠柔遠必不可少而盼捷焦思實不知有賞節之樂

午霽未成雪微

惜

上年獵雪頻需輿中歷覽郊原土膏甚覺融潤今早雲陰濃布與復得雪近午開霽未免惜之

不知

足固我之常

福康安等奏攻勦小半天山賊匪並圍截賊首情形

詩以誌事

曉接軍營報攻平小半天前稱獲眷屬

前據福康安等奏稱林興文父

母家屬逃匿水裏者社俱已按名拏獲

今復走兇奸

今日奏至攻小半天山得勝又據生番頭

目等食稱林興文逃往埔裡社埔尾一帶現在協力擒捕等語

與暇近旬日聚羣至二

并

福康安於十一月二十五日攻克大里杙後即應乘官兵銳氣迅即追捕使賊無駐足之暇無難速擒逆

首乃遲至旬日使賊匪得於集集埔聚眾固守迨十二月初五日攻克集集埔後又遲至旬餘賊匪復得於小半天山聚集據險固守尚有二千餘人何嘗與賊以暇耶

層層涉持重屢屢戒遲延

將士真宣力領軍可謝愆

據奏林奕文餘匪在於小半天山頂擊立木柵柵內壘石

作牆又將道傍大樹斫倒橫塞道路官兵踴躍用命殲附而上殺死賊匪百餘人賊始竄回柵內投石放鎗抵抗拒普爾普率先領兵丁攀倒木柵賊匪登時潰散各兵盡力追殺鎗斃賊目十餘人生擒賊目五人殺賊二百餘人將士官兵屢次奮勇攻堅實屬可嘉使福康安前次即乘勝迅追餘黨豈能復聚為列柵固壘之計而逆首當早就擒官兵又何用如此涉險力攻是直領兵者自取勞苦而其咎亦無可辭也

並行賞

與飭期速奏功全

上元燈詞有序

璇霄寶月燭先天圓體圓三綺席華燈暝不夜元音隔
八每以撫時抒咏例成排歲為編溯開什於攝提逮昨
年之協洽積疊經三十七次

自丙寅始作燈詞至昨歲丁未凡三十七篇

春

色宜人迤邐為四六八章

丙寅初唱八章後間有四章六章者自辛未以來每歲例

作八章歲華紀麗大抵申祝慶占豐之念亦以通西瀛北

漠之情播為幽籥之音譜入象胥之譯多雖益善數恐
不鮮茲者豐稔迎年申堅聲吉環周六甲開首祚於歲

朝

令歲元旦甲子

規滿一輪候圓靈於元夜

十五

雪封犢背田

間之嘉兆五行浪帖鯢身海表之軍聲三捷人向光音

天裏詩宜鈞樂奏中爰發在心之言因為屈指以計歲

紀尚三之二屆堯典之倦勤大行得萬有千合羲經之

積數分章序卦繼歲連吟平廿一而鉢連響時仄四三

而珠嵌字裏

六十四卦中平聲二十一皆押為韻仄聲四十三則於詩中見本字

難因見

巧麗不涉纖梁簡文之詠卦名偏非全舉宋嚴羽之臚

詩體古未前聞奇畫今開乾至比而成歲哉生始兆弦

漸望以都圓或能符義文周孔之全經惟仰賴

天地

祖宗之純佑易生生而大備律八八以相成維五十三年
之春際三五初摘鐙詠羅六十四卦之目裁四六乃製
弁言

屈指倦勤餘八年鐙詞六十四應全

每歲八章是恰應
成六十四章也

每章擬以卦名什副望

恩
惟待

昊乾

上元每歲例西園同樂新疆及舊藩詎為

去聲

怡情賞烟

月曰厯深意奠乾坤

及時膏澤可教光武寧當學閉門弗藉舌人通譯語

乾隆八年始習蒙古語二十五年平回部遂習回語四十一年平兩金川畧習番語四十五年因班禪來謁兼習唐古忒語是以每歲年班蒙古回部番部等到京接見即以其語慰問無藉通譯元夕命新舊諸省入同樂園隨觀燈火並燕笑

華燈聯席共歡論

元宵恰值望宵中

上元本以正月十五得名而置望亦有在十六七者今歲元宵恰值月望

欽定四庫全書

御製詩二

更副賞集東瀛西大蒙

近年上元節錫晏觀燈朝鮮使臣亦令與晏去歲以該國有世子之事命該使臣於元旦朝賀後起程回國今年仍令隨同新疆外藩入班與晏

際此遠來及

近悅敢誇化洽與功崇

飛空星點達斯須火樹銀花燦萬株占得羲經卦之五

雲天晏樂曰惟需

千尋貫斗蛾輝麗八照流虹鶴醵丹恐涉矜張深自訟

勝分敬怠慎其端

臺灣耆定逮班師休養羣黎命妥為

臺灣自逆匪滋事以來良民逃避失

業深堪憫惻去歲己卯次降旨將五十二年臺灣全
郡並嘉義縣五十四年地丁錢糧概予豁免今逆犯林
真文父母家屬俱已拿獲該犯亦窮感竄入埔裡社埔
尾一帶番社等協同圍截擒拿不難尅期歲事而被難
羣黎正當加意體養一面命地方大吏妥為安輯以副軫念
今夕春臺賞烟火那能

南望免遐思

流雲點綴幻晴晦時有飛花落碧空建國親侯比去聲之

吉順時行慶月惟中

上元後一日疊去歲小晏廷臣詩韻

保障由來勝繭絲任人憤事愧難怡臺灣地土豐饒福建漳泉廣東惠潮

欽定四庫全書

御製詩二

等郡民人錯處其間各分黨與往往以私怨小忿聚衆
械鬪官斯土者祇顧肥其私橐不以職守為念封疆大吏
遇有陞調故出更或用其私人每致貪婪無藝釀成事
端甚至起立會名潛相煽誘而地方官又復習為欺飾
顛預了事以至有林爽文叛官肆逆之事此皆地方官
平日不能為保障而為繭絲所致任用不得其人竊用
愧自捷音切盼達軍報翼節那能快賦詩咨爾簪纓委珮
者體予焦旰憤宵時今朝小晏權教罷意弗紓兼慚執
規

洗巢執屬連稱勝

白福康安海蘭察率領巴圖魯等渡海以後旬日間諸羅圍解旋即攻

克賊巢拏獲林爽文父母家屬所向虎捷頗快人意

惟是內山遁首囚

福康安於勦洗大里

狀以後未即乘勝追捕以致逆匪潰而復聚連次於集
集埔小半天山列柵抗拒雖官兵亦即奮勇攻克而逆
首遁入埔裏社埔尾一帶日內
尚未得生擒捷音為之焦急
未可網三施博愛竟當

芥一淨遺憂安民和衆詳畫策德道禮齊多惡羞七字
兩章詎容闕拈毫聊付壁間留

節後萬壽山

名山遊節後佳景攬春初雖未芳菲若已看閭闔如蕪
茵依綠染柳綠向黃舒憂樂無定處仍斯盼捷書

自上年前

一日福康安奏於上年十二月十八日攻克小半天山
後逆首林爽文逃往埔裏社埔尾一帶生番頭目等現

在協力擒拏諒無漏網之理但距今旬餘尚未達到提書為之盼切耳

福康安摺奏生擒逆首林爽文信至詩以誌事

大里仄摧破巢穴頻繁馳諭戒逍遙

福康安於上年十一月二十五日攻

破大里枋賊巢後止云當社等協力緝拏未曾奏及連即帶兵乘勝追捕誠恐事機少緩生番等不知畏懾未必肯上緊協拏是以頻撫降緝衆曰無暇執訊招番井降諭旨深以遲緩為戒

有條

茲得生擒林爽文捷音奏至據另摺奏稱該處民人投出者絡繹不絕皆妥為撫輯又於所執賊目

追兇逆首去路及招出各社生番嚴切曉諭令其協同堵截擒獻又令巴圖魯二十員屯練兵丁數百名改裝易服扮作民人同淡水義民及社丁通事等分投搜緝迨於正月初四日在老衢崎地方將林爽文並賊目何

有志等一同擒獲現在搜查餘孽不遺所
辦俱井井有條可謂辦事簡用者矣
究得生擒盡美善

不教餘孽伏根苗移師南指如破竹
又據奏俟將北路搜查淨盡令各兵

少為休息即統率大兵肅清南路擒拿賊目莊大田等語賊首就擒先聲奪氣自當勢如破竹想續奏捷音亦祇在早晚間耳
待捷音惟暮與朝

仲春朔日重華宮茶晏廷臣及內廷翰林等以平定

臺灣聯句並成四律

將謂東廂聯句拋

福康安等於上年十一月初一日抵鹿仔港旬日內收復諸羅旋即攻破

賊巢林爽文逃入內山意謂不日即可生擒爰擬於新正九日重華宮茶晏廷臣即以平定臺灣聯句乃遞至

十六十九等日未得捷音適以社祭經筵諸典還宮
今日未刻恰於重華宮得軍營奏捷仍即於東廂命諸
臣入晏依
例賞賚
捷聞獲孽淨三苞正逢歲以二月朔符合師

之六五爻仍此接茵試清茗無須列几置豐肴泰中恒
凜不驕意損滿益謙兩語包

臺郡彈丸稱要地外通海國內閩疆

康熙始用廟謨定

雍正繼稽吏治詳然以流民多雜處遂教奸匪叛無常臺

流寓本多福建漳泉廣東惠潮無業之民各分黨翼械
鬪成風以至糾眾不法如往時朱一貴吳福生及近年

黃教林耀揚光勲之徒不時竊發然來一貴而外未若此番林典文就擒直待經年之久也

即予五十年中屢未若斯番賊燄狂

天地改云添弟會外官可恨善為欺渡洋涉險不知懼

牟利忘公總計私

向例臺灣道府廳縣缺出本應督撫慎揀才守兼優之人調往然遠涉重

洋人情多懼近乃廉知不肖之員貪其地土豐饒不以涉險為虞轉以得調為幸而督撫亦不問其才具若何率多用其私人此輩拉任後利慾薰心遂置地方公事於不問更或聽斷徇私侵婪任意小民無可告訴每致私相構怨聚眾忿爭地方官又復化大為小將就了事甚至奸民倡立會名釀成巨業滋事戕官實有由來富勒渾雅德之

及至事張難掩飾徒稱兵少竊嗟咨

地方遇有

奸匪嘯聚文武各員果能乘其勢焰未張急為擒拏不難立時撲滅乃始則心存諱飾及事不可掩又復諉於兵少不能勦除以致賊勢蔓延良民遭其荼毒斧柯之尋深為可恨然自古以來致乘除易姓者率出於此而其君不知致茲抑是誰之過吾過吾惟自訟之是可畏也

界進生番本異倫窮踪歷險備嘗辛

自林爽文竄入生番界內福康安海

蘭察等分路窮追所向克捷賊匪所剩黨羽漸次殲戮殆盡及聞林爽文逃竄打鐵寮一帶於山溝樹林內藏匿福康安令官兵由後壠至中港又自竹塹至挑仔園窮踪歷險嚴密堵截使賊匪等不致漏網稽誅可謂備嘗辛

埋根踴躍資羣力執首綢繆賴一人

此次所派已圖魯侍衛等

及此練點楚官兵等無不踴躍爭先奮勇出力實屬可嘉之至至福康安處逆首驚懼自戕不能生致因詠已

國魯侍衛二十人及長練兵丁數百人改裝易服同淡水義民及社丁通事等分投搜緝遂於正月初四日在老衛崎地方將林奕文並賊日何有志等先後擒獲是其預事網繆辦理更為周至

淨北已知無

後應勦南應易洗前塵

福康安等奏俟將北路搜查淨盡即統率大兵向南路擒拿莊

大田想渠魁既已就擒餘匪亦當喪膽肅清南路更當勢如破竹統計福康安渡海以後自鹿仔港官兵解諸羅圍打通斗六門道路破大里杙賊巢攻克集集埔等獲林奕文父母家屬又攻克小半天山並此次生擒林奕文未及三月可謂神速矣

七聞鴻捷叨

天

祐

自二十二年後平準夷定回部收大小金川焚王倫織蘇四十三集田五並此次俘林奕文三十二年之

中凡七聞捷報俱仰荷上蒼眷祐屢歲膚功令予年近八旬經事既多遂成畏事恐與德兆同我太平惟

莫此後更無用兵之事益當
感激惟深勵惕寅

感激

鴻慈日深兢惕耳

平定臺灣聯句

有序

海不揚波奏凱入東風之律春宜滑露銘勲聯左个之
吟塵籌三捷之軍書撮紀一編之方略則有瀛壖外郡
閩嶠南區水帶澎湖山環番社濤雖甚壯門穿鹿耳之
雙沙縱能飛嶼剗鯤身之七古未登於圖牒境嘗限以
要荒自明季之多虞初勝白羽漸海邦之越禁中據紅
毛逮鄭氏豺虎一方傳克塽疆羆三世

天寬地小始雖示以招徠颺息馳消終究歸於寧謐欽惟
仁祖平以

廟謨開一千里郡縣之封經百五年涵養之澤蔗霜稻雨
地富畬耕線路沙更人私舶渡莠稂或雜芽蘖其間分
漳泉閩蠻觸之軍指天地刑犬雞之會屬畫吏有乖於
撫馭遂奸徒益嘯其譎張初啟囊封即為燭照並班水
陸連雞早策其退飛相望北南駕馬果貽於中敗先遘
能事往易制軍命舊督以臨疆俾壹權而守土王鈇以

律必嚴債帥之誅晉版不沉益鼓義民之氣獨任同心
之弼兼叅常勝之英百將擒雄萬人足敵逆能轉順義
本取於惠安速乃因遲吉通符乎崇武

溪名在惠安縣境

一日

一夜而過飛鷄首十盪十決而旋解蟻封巢晝暗而竹
焚馬宵凌而溪渡斗歌門壞杙斷里殘竭虎尾之上流
杵真投白遮獅頭之窮境網已周陸涸鮒空游水裏社
逃埔裏社竄猿無路大半天連小半天合父母妻一家
之逆屬全俘舉生熟野諸番而軍威知懾越海喜傳露

布擒渠果致檻車欣臻成事之全益顯投機之順維二
月初吉佳節適屆乎中和先去聲三日之齋

昊貺式昭於

右社是役也發粟米銀泉以餉徵川湘黔越之師民不知
兵價翻減市蠲賦三年之外酬勲五等之加堅城勦百
雉之墉大吏巡雙熊之軾殊民宅里察吏蠹良始完洗
甲之功乃入歌饒之曲迴憶天山二部雪嶺兩金昔皆
耆定以鴻成令宣示誇於烏合然而八旬紆策五夜決

幾軒皇教戰而霧不迷光武發兵而鬚為白信賞必罰
是為馭將之方衆志一心彌驗入人者厚禁中頗牧八
旗之子弟多材澳外風潮萬靈之

神祇胥佑兵糧所過歲未失豐縣里更名事超聞喜師行
而已籌善後警聞而預度糗先米聚滄溟驚週春臘皆
宜臚茲鈴策被以宮商用授簡分第頒之茶竹返旌勞
飲至之酒爾諸臣箴恬熙而奉上毋啻侈韓愈淮蔡之
文子一人篤敬戒以惠南宣徒效周宣江漢之雅也哉

御製

不意妖氛煽海壖擒亮歲事逮經年

臺灣逆匪林爽文滋事據常青

以前歲臘月二十八日奏到俟福康安於今年正月初四日已將林爽文擒獲公膺小醜自初勦以至歲事蓋

己經年矣

漸仁摩義漸惟我

發慮出謀幾在先

平定臺灣一事簡任承恩必致誤事

皇上預料黃仕

廣總督於上年正月初十日入覲即

命其前

往總督閩浙辦理軍儲而命常青飛渡臺灣專司勦捕八月間復命福康安為將軍調率勁旅

前往經理軍聲大振勢如破竹賊衆潰散林爽文

旋即就擒自始事以迄歲功無不由謨默運決策幾先故能底定海氛成功迅奏

膚襟帶

南溟廼閩省依毗外郡曰臺員

臺灣在東南大海中距福州府省城

一千餘里與漳泉二府相直明閩嬰
東省記訛稱臺灣為臺員蓋南音也
肇開荆棘寇

伏莽

臺灣自古不隸版圖記載無考明嘉靖間流
寇林道乾掠近海地為都督俞大猷所敗追

至澎湖道乾遁入臺灣旋即棄去至
占城是為臺灣伏莽之始
臣何桂
旋據荷蘭水

點鳶

臺灣為海中番島自林道乾遁後海寇顏思
齊於明神宗時復據有其地鄭芝龍附之思

齊剽掠海上荷為巢窟乃有中國民人寄居之其
後荷蘭夷人取其地因築赤嵌城即今之安平鎮
也

識應雞鳴雖島竊

王士禎池北偶談載明崇禎
庚辰歲閩僧賈一振地得古

顰刻古隸四行其文曰草雞夜鳴長耳大尾云云
末曰庚小魚鰾太和千紀凡四十字識者謂雞酉
字也加草頭長耳大尾鄭字也以為應鄭芝龍及子
成功竊據及本朝提督施琅克取臺灣鄭克塽

乞降之議蓋自明季至我朝康熙二十二年
海氛一朝盪滌此固國家清寧悠久之福而天

數已預定
於古識矣

武成犀射竟波平

本朝順治十八年鄭成功內犯江寧
為我師大敗而歸又經王師破其廈門

舊巢遂退逐荷蘭據有臺灣設郡縣康熙二十一年
年總督姚啟聖謀取之明年靖海將軍施琅攻克

澎湖鄭克塽
降臺灣蕩平

百年有五

天瞻斗

康熙癸巳初平臺灣至上年丁未歷百五年沐
或朝生息教養之恩共深愛戴
臣嵇璜

一府隸三星列躔

臺灣克取之後康熙二十三年
廷議開設府一曰臺灣領縣三

曰臺灣鳳山諸羅至雍正元年因諸羅距淡水廳
道里遼闊乃復分諸羅縣北半隸社地方增設彰

化縣

土沃產豐饒粟蔗

臺灣以海土肥沃生殖滋
豐種植稻穀並栽番薯甘

蔗等物不事耘耨生享大有不但本地足食并可
資贖內地壓蔗汁為糖歲產二三十萬商船購售

各省兼旁資日

人龐奸雜長蚺蜈

自鄭氏挈內地
數萬入外徙迨

本呂宋諸國

後聞之彰泉粵之潮惠相攜寄居無藉遊民往往
偷渡私墾近番隙地地方官又置之界外不能設

法稽察以致習於械

倡邪張魯訛添弟

邪教設會
結盟最為

聞遂開弄兵之漸

地方之害前年臺灣楊光勳等滋事所立會名即
係現今查出之天地會起於乾隆三十二年以大

指為天小指為地凡入其教者用三指按心為號
乃彼時地方官改作添弟二字化大為小規避處

分以致養癰貽患一經
指出真洞燭隱微矣

臣和珅 聖明

投溺盧循妄得

仙琕動葭仄竿始揭

林典文倡會聚衆自外生成於前年十一月二十七日曠

聚起臘霑麥雪牘來傳是何蠢爾竟敢爾

臣王杰

御

即以未然知必然

提督黃仕簡聞匪犯滋事即帶兵渡海任欽恩亦自請帶兵進剿朕

閱其奏報情形殊覺張皇蓋由黃仕簡病後精神昏替任欽恩少不更事早決其不能妥協辦理刻期歲事

仕簡

黃病昏已

上

弗奏承恩

任

觀望彼遲前

黃仕簡任承恩渡海

之後節次據奏分兵堵禦並不埋根首進及常青至彼始知黃仕簡果以老病昏憤一籌莫展又不自行陳奏候予調度而任承恩株守鹿仔港一

府城遂梗南北路

鳳山於二月內收復之後總兵郝壯猷尋又懼怯敗歸黃仕簡在南路安生不救任承恩又不能整頓兵力自

欽定四庫全書

御製詩二

北而南於是賊匪
肆出南北道梗

賊勢翻搭左右甄

賊首林典文等聞官軍頓兵不
進復團聚斗六門謀犯諸羅而

賊匪莊大田等復滋擾鳳山一帶窺伺府
城五六十里間蜂屯蟻聚官兵反為牽制
諸將懈

心權忌貳

軍營將弁因黃仕簡任承恩互相觀望
無所稟承亦遂懈弛不能上緊追捕

多兵分背氣難聯

征勦臺灣兵丁一萬三四千名
經黃仕簡等分統零星派撥不

相會合乃以兵單固守為辭坐失
事機諸臣債轅之咎實無可逭

軍樞屢

諭洞觀火

上深鑒諸將事權不一恒怯推諉屢
誠諭以觀後効遠隔重洋之外洞若觀

火臣
劉墉

師律一新甚改絃

黃仕簡任承恩節次奉
旨督飭乃始終坐

守邊延不能奮勉因命將二誠負
人革職等問解京治罪以伸軍律

重恩老且憊猶

矜先志世仍延

黃仕簡任承恩獲罪重辟實所應得乃
皇上猶念黃仕簡力疾渡洋其按

兵株守實由老病昏憤至任承恩之父任舉前在
金川陣亡伊兄任承緒亦因救火傷斃父子皆歿
於王事承恩又尚無子嗣
是以俱從寬不予勾決
能臣瀕厦旌麾駐李侍
是以俱從寬不予勾決

奉命督閩即馳赴厦門
駐劄籌辦兵餉臣緯克托
舊督臨疆節制專
青

既交督篆即渡洋至臺灣
郡城督率將士分路進剿
錫舍賞因占面革
莊錫

舍帶領二千餘人悔罪投誠殺賊自効因
給守備職銜嗣後屢次隨征受傷晉擢都司職銜
賞

以示 壯猷誅盍誓軀捐官兵既復鳳山總兵郝壯猷領兵守衛自當効命捐

軀乃以賊多兵潰敗回郡城怯懦已極因即命於軍前正法並申諭綠營將士俾有勇知

方臨陣 奮往 係累匪日危城復臣董保障羣心士氣全

常青抵臺灣後意欲先清南路再往北路會勦乃賊計狡黠佯為窺伺府城實則併力攻逼諸羅圍

城至半載之久兵民一心悉力守禦城賴以全立礮四門雷隱隱克復諸羅時即

相度形勢分兵劄營於縣城四門外要害之處安營設立礮位賊眾疊次攻犯俱為官兵擊敗決

溪一道浪濺濺時賊將八獎溪用土石壅塞激水泛溢以阻援兵來路官兵挖通填

溪之土放水順攻嚴力擬憑蹄蹴賊用大木車中流設賊無算裝鎗礮挽以四

牛分路衝安俱為官兵
設法抵禦臣德保

御製戰銳民皆具粥饘

諸羅被圍日久兵食漸乏城內外

士又牌腹村義民亦運糧接濟其急
公踴躍甚屬可嘉屢經降旨褒賞

拜井欲同耿恭矣

呼庚何異叔儀焉

諸羅久因數月軍糧日形匱乏而魏
大斌等所運火藥銀糧又復被賊攔

截不能前進城中軍民忍饑堵殺矢死
固守較之昔人拜井呼庚更為迫切

兩軍屢勅為速

救諸羅待援甚急恒瑞普吉保二人以鹽水港笨港地
方緊要且虞後路無繼不可輕離為辭因再四剴切

馳諭令其連統大兵往救援
濟糧餉鉛藥以解圍城之急

乙覽來章動

軫憐

諸羅被圍久妨整隊而出捍衛義民母致為賊戕害不必執城

工諭崇大紀酌量情形難支不

存與存城亡與亡之義崇大紀覆奏以城內數萬生靈不忍委賊毒手立志堅守忍待救援

工

披韋為之墮淚即降

旨封為義勇伯前以示軫卹之恩後以勵忠蓋之氣大聖人大

公至正因時因事不俟權衡而無不悉協

魏大斌援圍未解

先是魏大斌帶兵援

應諸羅在鹿仔草被賊攔截其後雖沿路勦截得以前抵縣城而一切糧餉火藥未能同時運到路途仍復梗阻魏大斌庸懦無能轉為諸羅增添食口因即與罷斥留於軍營効力贖罪

蔡攀

龍捷信俄遷

魏大斌既不能攻克諸羅之賊常青又令蔡攀龍帶兵往救前據李侍堯

奏稱蔡攀龍等分隊進勦直抵縣城復自賊中殺出府城至諸羅道路已通等語孰意竟屬訛傳蓋

海上風聞未
能得實也

地爪且啖饑腸奮

諸羅城中乏食兵民皆以地爪花生

蕉根野菜油杓充饑猶能忍餓
殺賊意氣彌奮

臣福長安

荊竹終完望眼穿

臺灣郡縣向無城垣皆以密編荊竹為之而諸羅
終能固守
御製詩有望眼已穿待援來之句

大義夙明褒爾衆

深恩已久入人堅獲嘉聞喜縣名誌

上以諸羅義民員弁官兵激發

忠義同心固守實堪嘉獎
改縣名嘉義以示風勵

臣彭元瑞

通德旌賢里

額懸

上以廣東及泉州義民隨同官兵殺賊接濟軍糧深知大義

各
褒忠泉州義民額曰旌義

但鮮貪財售賊米

據李侍堯

奏諸羅維尚梗阻各莊民人貪利乘夜運米入城
糶賣其賊營脅從之人亦有私將糧食賣給百姓
之事可知賊匪多由迫預加
脅並非出於本願也

施惠免民錢

耕種上念該處民人被賊擾累不能及時
應徵錢糧免其輸納並將來年錢糧亦概予蠲
除令將軍總督等編貼謄黃務使家喻戶曉

應徵錢糧免其輸納並將來年錢糧亦概予蠲
除令將軍總督等編貼謄黃務使家喻戶曉

師請使遙情

燭

臣
寧阿

籌將知人

睿慮淵

常青奏請添兵並請派大員督辦軍需
鑒知其白恐不勝任欲另簡大員督師之意因

念福康安久嫻軍旅堪當此任即降
令其馳赴行在親授方畧命為將軍前

往督召募漢其羣投策
壤此連水土相宜降

旨令李侍堯孫士毅於漳泉潮州等處廣為召募
既可就近聽撥而附近游手無藉之人得以充伍

食糧不至被煽脅從赦勿治騰箋
逆匪糾眾肆擾為匪最為要策

第其中被脅民人原非本願上念其踐土食
毛均為國家赤子不忍悉予駢誅申諭脅從

罔治以戎行起粵黔湖蜀
先是常青以賊勢猖獗安反側

請福康安亦以為言因命先後揀調四川茂
練二千廣西兵三千湖南兵二千貴州兵二千陸

續分起前赴軍營
協勤臣胡季堂

欽定四庫全書

御製詩二

御儲轡浮江漢海川

臺灣向來產米最多內地資其接濟近因賊匪滋事轉藉內地運送

軍糧因念閩省米必昂貴降旨令江南浙江四川江西湖廣先後運米百餘萬石俾民食充盈市價平減熟

計事難庸旅了改圖功碑重臣肩百已圖魯馳驍將

朕既

命福康安海蘭察迅赴軍營仍帶同巴圖魯百餘人前往

萬林爽文空鵲拳

古稱勇士一以當百今巴圖魯皆係選鋒勁旅久經行陣又得

奮勇帶兵之人是已圖魯百人即可敵林爽文萬人而有餘矣矧彼鴟張烏合伍

逞於蚓穴螳封邊偽官護駕猴新沐

義民王守等擒獲賊黨廖

東搜出黃旗一面上書獲傷

大將軍偽職字樣臣金簡廢弁都司錫善緣黨

彭喜曾任澎湖守備署都司以軍政黜革素與賊匪林小文相識遂糾約入黨於淡水之白湖抗拒

官兵為副將徐鼎士所執

坐即索錢原贖蠹

彰化縣蠹役劉士賢因事革退受偽

職為海防同知遂坐據官署橫索諸富戶錢物尋為義民等緝獻

跛惟運米亦憐

竄

匪夥王坑即跛一足賊目莊大田以其不能履陣且曾為鳳山縣徵糧胥役乃令專司運米

幻談測字口召禍

有連清水者素以測字為生賊陷鳳山時遂從賊為偽軍師及

俘獲解至疊加訊鞠祇自承為賊測字云臣阿揚阿

詭託畫符女起祇

婦

金娘向習畫符治病林爽文糾之入黨偽封為女軍師一品夫人詭稱能以符呪召役神鬼助戰不受鎗礮每於賊中鳴鼓持旗子虛分二百桿

據金娘供

創口念呪語以誑賊衆

稱莊大田黨夥共有萬餘人分設旗二百餘桿

省銀箕歛一千圓

王坑郎嘗為賊

目莊大田歛番銀一千圓以資其用

蟲沙立化辜咸伏

自偽將軍廖東以下各賊

匪先後俘送至京咸置之法

臣李綬 魁首陣羈法置驛

賊目賴樹受偽職為

順天北路大將軍拒官兵於淡水之新莊擒獲於陣與彭喜等俱檻送至京伏誅

巨旆啓

行金氣肅

福康安召至京師率已圖魯侍衛章京等改

行在具搜方略即由

八月初長纓破浪汐程便祥符崇武鷁中艤

福康安配渡放

洋後復又在崇武澳守風澳名崇武適符破賊吉兆

臣惠齡

御製賜予平安螺右旋

福康安遠涉重洋為國宣力特將內府所藏右旋白螺賜令攜帶前

往碑吉祥安穩用資利涉秋發冬臻曉並夜舟登風候海連天視如

遲乃欣成速

福康安於八月初旬自京起程九月內由厦門登舟開駕旋於大擔門守風比至開

行又因風阻未能徑渡收泊崇武澳至十月底始由崇武澳放洋一晝夜即抵鹿仔港雖守候稍遲而放洋後平安迅速詢之船戶食云向來所未有

止本齊還到匪偏

前經派調四川屯練及廣西貴州湖南等省兵陸續前往福康

安在舟守風旬日四川廣西之兵已先後齊抵厦門即隨福康安同時渡海其貴州湖南之兵亦接踵而至是福康安候風待渡正可俟官兵齊集即此足為成功預兆云

表楔

天妃靈帛蠶

此次往臺灣官兵及糧餉火藥均由海道配渡仰賴天妃助順靈飭幸昭特

欽定四庫全書

御製詩二

蒙

御書聯額二分於

天妃本籍與神佑

登壇大

化縣及廈門海口廟宇懸卦以答

將壁新鮮

福康安於十一月初一日於鹿仔港即將舊駐營盤擇地遷割號令嚴肅軍中

壁壘頓

用材職吏與鄉舉

諸羅縣舉人郭廷機彰化縣舉人曾大源職員

為改觀

楊振文監生林文會等因避賊至廈門素為臺灣民人所信其家中莊佃甚多可以設法遣人離間賊黨福康安於抵廈門時即傳見郭廷機等優加獎賞帶往軍營諭令妥密辦理功成後許以請

旨優加錄

叙

臣謝墉

利器厚刀偕火鉛

福康安於候風時將應用一切軍器

妥為製格復多製火彈及厚背利刃斫刀以資攻燬賊寨之用

八卦山初及鋒試

廿人哨早已旗擐

八卦山在彰化縣城之西地勢較高距大里杙三十餘里為前

往賊巢必經之地福康安到彼預籌進兵道路先
令海蘭察帶領已圖魯侍衛章京等二十餘人至
八卦山一帶詳悉踏探徑至賊卡迎殺賊匪四散
奔逃海蘭察率領已圖魯等鎗箭齊發斃賊數名
生擒賊一名餘賊潰逃又經預派土守倫色穆里
雍中等帶領屯練降番在竹園埋伏遇有賊匪執
械下山當經屯練等擒獲割取首級是日賊匪見
官兵前到即能以少擊衆屢有斬獲無不聞風震
懼即此已有推化龍守壘遮防密
福康安自鹿仔港進兵即派總
兵李化龍在彼駐守嚴防後
路俾無後顧之慮舒亮尋巢聲勢牽
徐昂士擬由北淡水大甲溪一路夾攻大里杙福
康安到鹿仔港即派舒亮帶兵往會徐昂士聲言
直攻賊人巢穴以牽綴賊勢大
兵乘銳直抵諸羅所向克捷

五隊埋根龍豹合

大兵援應諸羅分為五隊福康安與海蘭察鄂輝
普爾普穆克登阿普吉保額爾登保及巴圖魯侍
衛章京等分隊帶領互相應援將義民分為兩翼
踞探道路村莊遇有賊人抄出即分投截殺部署
甚為兩莊倚角鶴鵝十一月六日黎明進兵
周畧魯侍衛章京等衝入賊中賊匪退入竹林復於崙
仔尾等庄糾集數百人或千餘人蜂擁前來抗拒
從中橫截官兵福康安已預為布置令鄂輝穆克
登阿帶領茂練降者扼住右首東庄溪橋普爾普
春寧等帶兵堵截左首各庄賊眾
力戰良久遂將道路立時開通

雙溪口三塊厝

惟荒土

臣伊齡阿

游厝灰磑少剩椽

福康安一面商令海蘭察酌帶巴圖

魯侍衛章京等及奮勇官兵長驅先進直抵縣城
一面將沿途賊莊盡行攻勦遂攻克雙溪三塊等

處數十賊莊并將房
屋寮廨燒燬淨盡

危境頓安歡以迓

褒言纔聽感而連

海蘭察等沿途奮勇殺賊所向披靡
連至牛欄山賊匪阻溪自固官兵直

越溪河衝過賊陣搶上山梁攻克竹柵賊匪紛紛
逃竄即於十一月初八日百刻至諸羅縣城福康

安所帶官兵連夜前進復連克賊莊痛殺賊衆城
中義民踴躍出迎歡聲振地福康安帶兵入城撫

慰將守城義民等優加獎賞撫輯良民各安生業
數月之圓一朝而解官兵等無不共慶更生此時

始得聞節次褒嘉
諭旨感激或至泣下

西沿洋盡經收盪

諸羅賊匪人數

衆多從山麓以至海濱大半佔據諸羅圍解時官
兵奮勇截殺自縣城迤西至瀕海村莊全已收復
賊衆掃蕩無遺

臣阿彌達

御北入山應捷翦度

諸羅圍解後餘賊多在迤北近山一帶潛匿經福康安海蘭察等分

兵搜捕跟蹤賊斃賊無翼遂將興化店至員林等處賊莊悉數攻克

所崇焚寮迅頃刻

駭膚伏雉看駢闐

諸羅至斗六門一帶中有大排竹等莊係賊匪屯聚之地賊人於各處要路

搭蓋草寮安設柵柴抵抗死抗拒經大兵分路追勦將賊人崇寮全行焚燬賊衆四散奔逸後路為之廓清門

開斗六通大里

斗六門為賊人久據之地十二月二十日福康安海蘭察等帶兵分隊進勦將

中林大埔林大埔尾等莊同時攻破追殺二十餘里遂由巷古坑直至斗六門賊匪聚集甚多悉力抵禦官兵四面進攻斫倒竹園痛加殲殺賊衆紛紛逃竄當將斗六門收復即日整兵為進搥大里拔賊巢之計

街越螺雙搯水連

斗六門收復後各處村庄番社震懾軍威投出者甚衆並願隨

同勦賊經福康安派員帶領前往將西螺街東螺街搜捕餘匪淨盡賊首林爽文自諸羅敗竄福康

安等即由水沙連至大里

逆眷躡牛塵亂轍

官兵

找一帶山路跟蹤追捕

沙連過大溪見沙上車轍縱橫知係賊人搬眷入山之路窮追見賊數千護車行走官兵痛加勦戮

車牛中駭驚逸自相踐踏死者不可勝計

叛徒躍馬落驚弦

賊目蔣挺在山梁上

騎馬執旗指揮放鎗據險海蘭察直前馳射中其髀獲之

沿途倏淨平臺近

官兵

向大里找進發沿途勦虎仔溪萬丹莊南投北投等處十一月二十四日至平臺莊距賊巢五里

臣阿

徑渡何虞帶水潺

大里找南溪河水勢甚深將軍策馬直渡兵弁等俱

爭先涉水奮勇攬殺

竹柵土城猶紙耳

賊巢倚山繞河築土城內設竹柵二重其

外溝礮層疊為守禦之計官兵初到賊於城上放礮乘我兵尚未到齊擁出萬餘捨命前獲已圍晉等鎗箭交發屢敗不退往返五六次短兵相接剪戮賊匪甚眾

昏鑒曰刻乃殲旃

自二十四日申刻輟夜力戰天無虛發賊賊無策官兵傷者僅數人至二十五日卯刻官兵與賊一面接仗將軍率已圖魯侍衛章京於西北兩門分路進攻一擁而入將大里札全莊洗蕩林與文以夜拒官兵時潛携逆孥宵遁擒偽職劉懷清何從龍林茂等獲礮百六十餘鎗二百五十餘糧六千石牛八百頭

溪橫濁水夷千壘

逆首林與文自大里拔竄後由番社逃竄集集

埔大坪頂一帶往來水沙連內之水裏社等處而集集埔為入山要路林與文預為退守地步臨溪設卡據險死守福康安於十二月初五日至其地形勢斜狹南北兩山中橫大溪一道即虎尾東螺

兩溪上將地名濁水溪賊阻溪自固在斗砌上壘
石塙塞路即派晉爾普等由山路進攻福康安海
蘭察帶已圍魯等分路至溪邊賊萬餘蔽塙發火
器官兵排鎗前進兼用大礮轟擊相持良久海蘭
察等乘馬浮過官兵奮勇泅渡鎗箭齊發斃賊甚
多官兵屯練攀援而上直推賊壘賊潰追殺十餘
里將集集埔賊營勘淨並燬浩淮角草寮千餘間
擒斬及滾溪之賊不可勝計進追至生番隘口

臣胡

高望

天半高山碎一卷

據奏稱踴探賊蹤之社丁
杜敷及投出賊目阮和等

稟林爽文逃後餘孽尚不下二千人蟻聚小半天
山頂拒險死守福康安隨領已圍魯等於十八日
分進丁夜繞過大山至小半天山麓時已黎明該
處樹密草深路徑逼窄攀藤方可登陟賊於山頂
立木柵壘石塙並伐大樹橫塞徑路官兵攀援進
至半山賊衆壓下勢甚稀突將軍傳諭以山路險

惡無可駐足地至此仰攻有進無退官弁等俱踴躍用命不避鎗礮蟻附而上打死賊匪百餘名餘賊抵死抗拒攻至已刻普爾普率官兵等拉毀木柵先登賊衆即時潰散追殺賊目十餘人生擒五人殺賊二百餘人奪獲器械

產逆坐為梟種累

林

文賊巢既破竄入埔裏社埔尾一帶其父母家屬遁入水裏省社福康安令社丁杜敷設法弋獻果即按名擒獲解京上先諭逆首之父林勸雖律應緣坐然究不忍因子而罪及其父尚可法外施仁貸其一死續據奏林勸亦曾商同把守隘口抗拒官兵且林典文曾將義民首黃殿邦祖父墳墓發掘使其父林勸早改亦應與其祖先墳墓一并發掘挫骨揚灰況現在同僚謀逆之人其罪自無可寬經軍機大臣法司定擬具奏林勸應依律凌遲處死當即奉旨依議仰見用法明允

權衡

替身空仗免謀顛

先據福康安奏林爽文每日易衣換馬並預求

至當

面貌相似者數人以為替代脫身之計及官兵分路窮追擒獲假裝林爽文之賴達訊出該犯本欲

向北逃竄見圍截嚴密潛往打鐵寮一帶山溝樹林內藏匿是逆犯詭謀免脫轉露行踪天理昭彰

洵為

張羅直到番窮社

福康安既得賊踪遂由打鐵寮追至炭窰地方又詢

知該處出山即係海岸慮其入海潛逃派兵由後壠至中港竹塹挑仔圍沿山密佈幾於人跡罕到

之地可為周密矣

臣吉夢熊易服真疑賈列屨

福康安令巴圖魯持弁等分路

圍截復恐逆首情急自戕因據巴圖魯二十員屯練兵丁數百名改裝易服作民人商賈同義民差

後社丁等分投搜緝

喜報遂聞成檻繫

自逆匪竄入內山福康安等四路窮追並

派熟諸路徑之義民入山踞緝一面曉諭獅子頭
社以北三船鈴仔欄社以南各生番協捕該犯已
成釜底遊魂逃竄無地正月初四日於老衢崎地
方將林爽文並賊目何有志擒獲尋又獲林聚陳
傳吳萬宗賴其龍等四名均係有名頭目固由其
罪惡貫盈難逃顯戮實乃聖主仰契

天眷機順事全遂得生擒逆首檻繫
來京按律伏法以彰國憲而快人心
孚人爭看用

徽纒

恭讀丙申
呈呈非或首生人組繫是孚人之句並論

御製平定金川受俘詩真首

誠二字義以誠字從或從首或者疑辭首以獻
真偽在疑似之間至得字從孚從人孚者信也執
人以來實為可信六書會意具有深義一經
闡析昭若發蒙令林爽文生擒就俘尤深慶幸

堪嘆僭號同一貴

臺灣逆匪屢見滋事不過械鬪
拒捕旋即伏辜惟林爽文與朱

一貴二賊敢行僭號真神人共
憤天理所不容也

臣葉觀國

御製**最快生俘異道乾**

海寇始於林道乾與林英文逆賊同姓而敗遁誅由明軍攻多踰

異於今日之老國
威而崇實績也

撤振允資衆軍勇勤勞實藉兩人賢

前此臺灣進剿之兵不為不多特以領兵不得其人皆
致懦怯是易將以來轉怯為勇新調之兵更為生力一
鼓作氣聲勢倍增已圖魯等首先摧陷克成大捷是役
在事兵將均堪嘉獎而調度有方奮勇無敵則福康安
海蘭察二人
實為首功

愧無遑那築京觀

從弗淹誰阻瀨船並自侯封俾爵晉

福康安海蘭察等至鹿仔

港不俟貴州湖廣之兵到齊即先鼓勇深入諸羅
圍困數月一朝而解城中數萬生靈慶獲更生自

應厚加封賞二人本係侯爵福康安晉封一等嘉勇公海蘭察晉封三等超勇公以示寵異

疊

加勇號待功竣

軍營將弁中奮勇出力如梁朝桂袁國璜穆克登阿官福等二十餘

人已卽次

賞給巴圖魯名號其餘出力員

四

弁俟大功告竣再令福康安查奏交部優叙

團服采榮頒袞

福康安海蘭察等攻克大里代之信先據李侍堯探聞馳報當經奉

旨將福康安海蘭察二人優獎並先賞給四

團龍補褂紅寶石帽頂副福康安奏至即加晉公

爵臣

再暈冠翎寵珥蟬

常青初至郡城調度一切甚為妥協崇大紀力

王懿修

捍圍城不辭勞瘁李侍堯孫士毅料理調派官兵及運送糧餉等事同安訊速梁朝桂前在金川帶

兵奮勉此次勦捕逆匪復打仗出力並先後蒙恩賞戴雙眼花翎以示嘉獎

職領武

文巡節蒞

現在逆匪蕩平地方彈壓及吏治戒行
皆資整頓特奉諭旨令該省督撫

及水陸兩提督每年輪值
一人前往稽察著為定例

任需道府

御屏銓

向來臺灣道府缺出俱由督撫奏調該督撫等
因其地土豐饒每有瞻徇私情不問屬員才具

能否舉請調補俾得侵漁肥橐所謂之員不以涉
險為虞轉以得調美缺為喜於吏治大有關係現

令奉

旨嗣後臺灣道府員缺均由吏部

漳泉

臨時請

旨簡放仰見澄叙官方至意

分籍田分宅

臺灣地方屢有奸民聚眾械鬪之案
皆由彼處多係漳泉兩郡民人居住

兩郡之民素有嫌隙其里居田土互相錯處往往
紛爭搆釁釀成事端前經奉諭預令福康安

於辦理善後事宜時除各處義民隨同官兵打仗
殺賊者毋庸遷徙外其賊匪莊田業經入官應召

募居民及與賊匪同住一莊民人雖無從逆實蹟而心持兩端者或起此兵威酌為遷移令籍隸漳泉之人各為一莊俾免爭競

臣茅元銘

郡縣增城石或輒

臺灣郡縣城圍向用

竹木編揀不足以垂久遠康熙年間朱一貴滋事平定後總督滿保首議及建城維時以其地處海外無城雖難以防守然失之易復之亦易是以未經建立以省煩費此次林爽文糾眾猝起攻劫彰化縣城究由荊竹不能防禦所致聖意以當日未及建城與其失而復取徒煩兵力曷若設城固守更為有備無患曾諭令於事定後將郡城廳縣酌量建城以資保障或設立審坐用外磚內土之法如式砌造或就彼處開採石料以代磚工尤為便易

繡使罷差臺制改

衙例每三年一次奏派滿漢御史各一員巡視臺郡御史職任較小且由京派往未能備悉地方情

形易為欺蔽未免有名
無實特奉 諭停止 冬卿銜

命土功涓

灣府廳縣應改城垣
上以工部侍郎德成
諳練工程現在臺
令其馳赴該處會

同巡撫徐嗣
曾勘估辦理

牛區外界

詢前事

雍正時總督滿保著有經畫疆里一書內稱臺
灣地土廣饒據穀利溥再過四五十年內山山

後皆將為良田美宅若劃定疆界不許往來耕種
勢難禁止等語自近年楊景素議立界限之後將
界外良田美宅轉畀生番生番不事耕種內地無
業游民竊渡偷墾地方官諉之界外不復稽察於
是奸匪尤易藏匿因傳 諭福康安李侍堯等
取書內所論確中利弊之事不妨參酌採擇務使
歸於盡善

臣 錢 榮

蟬拂東征

鑒舊編

上偶閱藍鼎元東征集於康熙年間平定逆匪朱一貴時謂諸羅地方遠濶應添設官弁

以資防守至雍正二年始分設彰化縣上以該處迄今又閱六十年土地戶口日加增聞酌量

情形後應添設文武員弁控制無馭之處

諭令福康安勦賊竣事後相度形勢會同李侍堯

等籌酌並查藍鼎元履歷仰見皇上好察過

言寸長必錄而幾餘披覽觸處貴穿非尋章

摘句所能

仰窺萬一

知微彰文繫蘊

自臺灣用兵以來凡命將策兵籌餉感賊諸事皆由皇上乙夜精勤

先事知幾內得大功著定復念周易繫辭所云知微知彰知柔知剛之義平日用之內以正心外以

勅政而更慎於用兵之際蓋文王於豫之卦辭是取於建侯行師而周公於六二爻辭則曰介于石

不終日貞吉孔子繫辭曰見幾而作不俟終日三
聖人義極無所不通而行師之貴知幾尤為明切
避暑山莊正殿後室 聖祖題為依清曠
者實上年 籌機宣議之地因於外簷額以四
知書屋更於寄情山水之中有會於熙政語戒之
本闡義作記煌煌 大文義畫軒輶理通一貫
矣
理徵遲速

典謨篇

御製識事文詳述自逆匪滋事以及大功
速藏中間遲速之機莫不炳照與先洞徹事後
所謂遲在任事之外臣而速在籌策之予心二語
與御製遲速論相為引伸至維敬與明秉公
去私為用兵之
本弗啻典謨矣
希聞自古

機操券

臣福
福

御製更願從令燧息烟

烟

兵不易言用至不得已而用之惟信賞必罰示以至公投策量能本

於至明而且午夜搜章辰朝盼捷尤必輔之以勤方能集事蓋知其不易而慎之而後可以言兵可以息兵予

嘗有從令更願無滋事之句近作識事語指歸此意蓋慎之也追賦蠲租施後惠

上年春間

念臺灣地方遭賊匪滋擾小民必誤耕作九月後據大紀奏諸羅義民踴躍息公情形先後命將臺灣全郡

五十二年五十三應徵錢糧概免征輸十二月復據李侍堯奏臺灣各屬本年應徵兵穀十九萬九百餘石

及耗羨租稅銀六萬九千餘兩粟一千八百餘石請分作四年帶徵亦令全行寬免近又念漳泉等府屬應付

官兵及糧餉軍裝等項雖俱動用官帑不無有藉民力並降旨將泉州府屬之晉江等四縣漳泉府屬之龍溪

等八縣應徵錢糧蠲免十分之三其浦城崇安建陽建安甌寧南平古田閩縣侯官福青莆田仙遊等十二縣

蜀免十分之二至福鼎霞浦福安寧德羅源連江光澤
等七縣應徵錢糧緩至五十四年交熟後徵收俾閭閻
間境已安全而澤餘休
養以示有加無己至意
殃民縱吏悔前愆
向來地方官既以牟利為心而督撫即藉為市惠之地
全不以地方公事為念甚至聽斷徇私貪婪無藝於是
奸匪得以藉口滋事劫縣戕官釀成巨案此固由歷
任督撫任用匪人所致而予亦不能不自引咎也
聯

吟誌過非誌喜誌盛國威萬里宣

欽定平定臺灣紀畧卷首四